



1 4
1548
5



橋西集
記

所著有明易異文疏證禮記鄭讀流注
未卒業
完具由
志舊聞
毛當京師
西

也文與
家大人同官內閣過從親密祖蔭
受徵
之間文改官赴浙膺疾遠實聞者癩傷乃不
及
言散書遺
何能自棄
撫

同治十年七月

滂喜齋
離版

昭和十八年
七月

言

田

集

歲暮
同治十年六月

葉文潤臣承家學擁書數萬卷有志纂述少以詩名故
羣目為詩人所著有周易異文疏證禮記鄭讀疏證戰
國策地名考皆未卒業橋西雜記則隨筆最錄之書涂
乙過半然首尾完具中述掌故志舊聞有資考訂致功
良勤橋西者丈所居紀文達故宅當京師虎坊橋之西
也丈與 家大人同官內閣過從親密祖蔭曩曾奉手
受教己庚之間丈改官赴浙膺疾遽實聞者瘳傷乃不
及十年藏書散盡遺箸淪諸廢紙已刻詩編亦不知歸
何所此記幸得自棄擲之餘爰為校正字句刻以存之
撫今懷昔感何能已同治十年六月吳潘祖蔭

燕今對昔淑同猶同同廿十平六日吳番脈葛
何祖此信幸自棄職之翁愛為蘇王宰中陵以香之
又十平燕書婿盡歡善命請窺珠与陵結蘇亦不映龍
受楚与夷之間文如官扶池觀我數實聞香蘇謝氏不
少文與 寒大人同官內閣歐翁縣密脈蘇會奉手
夏蓮蘇西香文祖風孫文教姑字當京神與世蘇之西
了歐半然首具宗具中並學姑志善間育資善信姪也
國策此各書皆未卒業蘇西蘇翁頃刻筆最難之書翁
羣日為婦人祖善育周長異文施蘇斷翁慎蘇蘇輝
葉文歐亞承寒學蘇善幾萬卷育志纂故少以請各姑

橋西雜記

漢陽葉名禮

男子入學

宋趙氏與時賓退錄今世男子初入學多用五歲或七
歲蓋俗有男忌雙女忌隻之說以至笄冠皆然案北齊
書李渾弟繪傳年六歲便自願入學家人以偶年俗忌
約而弗許伺其伯姊筆牘之間而輒竊用未幾遂通急
就章內外異之則其來久矣

地名當遵功令

劉氏靖片刻餘閒集金陵明之留都宗廟社稷臣工咸

精可雜言
在是以有南京之稱 國朝定鼎燕山改爲江甯府乃
江南列郡何得復以京名無如俗口相沿未能變易直
隸天津衛改爲府治設附郭縣已久而仍呼爲衛且省
文曰衛裏甚至士大夫亦習焉不察凡此雖似無關重
輕實則有違功令不可不急爲更正也

葉氏藏書之祖

嘉定鎮江志卷二十一蘇丞相頌家藏書萬卷祕閣所
傳居多頌自維揚拜中太一宮使歸鄉里是時葉夢得
爲丹徒尉頗許其假借傳寫夢得每對士大夫言親炙
之幸其所傳遂爲葉氏藏書之祖

又卷十七葉夢得
崇甯間丹徒尉

儒林外史

坊間所刊小說儒林外史五十卷窮極文士情態全椒
吳敬梓所著也字敏軒一字文木乾隆間人嘗以博學
鴻詞薦不赴襲父祖業甚富素不習治生性復豪上遇
貧卽施借文士輩往還飲酒歌呼窮日夜不數年而產
盡醉中輒誦樊川人生直合揚州死之句後竟如所言
程魚門吏部晉芳爲作傳

列朝詩傳

顧黃公先生景星言列朝詩諸傳爲虞山生平純粹以
精之作闡幽提隱功更不細當絳雲樓火時親見有緋

衣者指麾烈燄上乃大叫曰天能燒我屋內書不能燒我腹內書吾當再爲筆之指其所撰國史也後乃作列朝詩諸傳至選詩多出程孟陽之手

見耳提錄

塔

唐釋元應一切經音義卷五佛塔注或云塔婆或云偷婆此云方墳亦言廟一義也經文從革作鞞橐亦防捍也鞞非此義卷六寶塔注或云大聚或云聚相謂累石等高以爲相也塔字諸書所無惟葛洪字苑云塔佛堂也孫氏星衍莊氏斫皆以古無塔字借鞞爲之塔爲後人所造名禮案鞞通作鞞淮南兵略注鞞鼓鞞聲玉篇

引字書塔物聲是借用之證信爲後人所造說文新附塔浮屠也廣韻入聲二十八盍塔浮圖當爲塔字本義其本字當作刹一切經音義卷六金刹注西域別無旛竿卽於塔覆鉢柱頭懸旛經言塔者應訛畧也元應習見俗用塔字不知刹之卽塔因別有金刹之名遂疑爲訛畧誤矣說文新附刹柱也與柱頭懸旛之說相合晉書五行志義熙九年正月大風白馬寺浮圖刹柱折壞此刹字始見於史者

唐高僧傳唐僧會吳赤烏十年丁卯至建鄴孫權使人求舍利子旣得之權乃造塔藏之南史虞愿傳明帝以故宅起湘宮更在白馬寺以前矣

寺費極奢侈以孝武帝莊嚴刹七層帝欲起十層不可

立分爲兩刹各五層白帖云莊嚴差別名之爲刹西域以柱表刹示以居處也然則以柱表刹西域之制後在中華則累石爲之其本字之當作刹益無疑矣刹字始見于晉書字亦非古說文踏蹶也蹶進足有所擷取也當爲字義所本

拆字

拆字術起于宋時亦謂之相字金元氏好問續夷堅志古無相字法宋末有相字能知休咎試之頗驗考宋何氏遠春渚紀聞卷二謝石拆字一條謝石潤夫成都人宣和閒至京師以相字言人禍福求相者但隨意書一

字卽就其字離拆而言無不奇中名聞九重葉氏紹翁四朝聞見錄卷一亦云楊王沂中閒游郊外遇相字者是當時多精此術者

前定數

內閣大庫中向存子平若干籍曰前定數庫鑰爲典籍廳所掌辛亥春予偕某啟鑰往視僅存數十冊篇頁零亂玩其紙墨明人所爲一老隸在旁云三十年前某相國取其大半去矣聞山右稷山縣庫亦藏有寫本大都已往驗而未來之事多不足憑

塞上六歌

常熟徐蘭字芬若一字芝仙康熙中王師北征曾從
出塞賦詩一卷漁洋山人稱其精悍雄拔似供奉嘉州
卷末附塞上集唐六歌各爲序打鬼云番僧最尊者
爲呼必辣吉能悟前身人稱之曰胡圖克土華言再來
人也次朝爾吉次勺煞次喇木占巴次噶卜處次溫則
忒次德穆齊次合楞次合絲規次合噤爾次班第次合
由巴次截由巴次骨捨爾次顛馬女僧爲尺巴甘赤有
室家者男爲吳巴什女爲吳巴三氣總名之曰喇嘛打
鬼者梵言都勻是曰佛殿上燃燈千盞建大旗於殿四
隅旗繪四天王象戢由巴鳴金傳執事者齊集設胡圖

克土座於殿之東朝爾吉以下俱列坐一僧名茶勃勒

氣散淨水於眾僧掌中無常職班第爲之凡上陳胡朗

叭令

以醍醐拌麵作人獸形蓋鬼食也

二甲士左右立以帛束口恐人

氣觸之鬼不食也班第扮二小鬼對舞以夜叉睨其旁

向內一呼卽潛入人叢中撒麵以瞋人目殿內吹鋼凍

西番樂器骨爲之見芝仙出塞集

諸樂隨之以奏合噤爾十二人戴假

面扮馬哈喇佛備極殊怪雙雙跳舞而出其一曰厄利

汗文殊化身二曰作嘛知文殊之護法神三曰嘛哈噶

喇四曰喇嘛皆觀音化身五曰戚义叭喇六曰滋那噠

渣七日著基阿拉渣八曰冬現著煞九曰生合冬凍十

日出孫冬東十一日煞拉瓦十二日摸黑皆觀音之護
法神也惟厄利汗煞拉瓦爲牛鹿扮面餘皆不可辨合
楞寸人扮十地菩薩錦衣花帽繼之而出手執腦骨椀
枯體棒叉杆綵纒等物旁立番僧數百人人持鼓與鈸
鼓鈸之徐急隨其跳舞之節奏赤甘巴出吳巴什夫婦
執香環繞盪則忒宣開經偈衆僧朗誦祕密神呪吽聲
如雨鈴聲如雨喇木占巴以胡朗叭令擲於地於是牛
鹿二假面持刀砍地作殺鬼狀復有一僧曰乃冲戎裝
執戟吐火吞刀云神附於身觀者皆膜拜奉單袖於神
以問休咎跳舞畢合由巴以糖一鉢候於戶抹衆僧之

口而佛事終焉譯者曰烏斯藏有碉房爲邪祟所據白
晝攫人飲食喇嘛乃扮假鬼於房中飲食以誘真鬼因
扮諸佛排闥以入而打之故名之曰打鬼今京師番僧
寺止元除夕亦爲之蓋猶周禮帥百隸以時儼之意也
蒙古棋云局縱橫九綫六十四卦棋各十六枚入卒二
車二馬二象一礮一將別以朱墨將居中之右礮居中
之左上於將一卦車馬象左右列卒橫於前此差同乎
中國者也其棋形而不字將刻塔崇象教也象刻駝或
熊迤北無象也多卒入衆以爲強也無士不尙儒生也
慎不列於線而列於卦置器于安也馬橫行六卦駝橫

行九卦以駝疾於馬也滿局可行無河爲界所爲隨水草以爲畜牧也卒直行一卦至底斜角食敵之在前者去而復返用同於車嘉有功也衆棋還擊一塔無路可出始爲敗北考象戲始于周武帝司馬溫公損益其法爲古局象棋圖蒙古此戲其仿中國或以意創爲皆不可知然國人爲之亦遂有工拙之不同焉彈喀赤哈云喀赤哈者羊膝髑骨也骨分四面有稜起如雲者爲珍兒珍背爲鬼兒俯者爲背兒仰者爲梢爲此戲者各記一骨爲馬兒以二骨卜地分甲乙珍先于鬼背先于梢甲以骨若干對拋于地珍鬼背梢從其類以彈之間有

鑿立者愁必負因其類之難得也中則取若彈此而擊彼則前之所取皆罰出不中乙檢餘骨復拋而彈終計所得之多寡爲勝負馬兒爲人得去倍其數以贖採珠云龍珠在頷蛇珠在口魚珠在目鮫珠在皮鼈珠在足皆不及蚌珠之在腹者其用普嶺南珠色紅西洋珠色白北海珠色微青皆不及東珠之色如淡金者其品貴東珠產遼之松花江源出天池鰲荒萬里人迹罕至是水皆有蚌是蚌皆有珠入旗舊有採珠人剝木爲舟溲暑入江以一木插中流沒如沈鼈出如輕鳧與魚龍並游而不相害額設將軍都統以監之珠八分以上者充

林西雜記
貢次歸其主細碎者禁勿取歲終以勤惰高下其賞罪人免死者發烏喇差遣或以助此役初學者以長繩繫腰入水取蚌急則振繩挈之而起既而習于水勇于泅轉相傳授習以爲常邊植柳爲界有軼出者怪鳥鳴喚其前邏者踪跡之卽得無一人亡者而川澤之利其用遍于天下矣打貂云遼東之山皆產貂貂穴空樹中日伏夜出捕食蟲物土人以時取之秋冬之交入夜隕霜封樹風搖樹巔墮地如積雪貂行霜上跡可數也土人張毳幙以幙爲居畜三大一守一逐獸一打貂其打貂者名跟蹤跟蹤云跟貂霜上之蹤者也土人視跟蹤所

前得其樹樹多孔塞之留上下上張網下薰以煙貂畏煙緣木而上入網就獲矣又曰貂食鳥雀飽則宿樹杪跳枝竄葉疾如焱電間以木弩射得之採葎云遼東產葎之地有二近者鷹額口遠者江獺江鷹額在盛京東三百里產葎少江獺在甯古塔東北去盛京可五千里產葎多故人皆舍近而趨遠歲於春三月裹糧行秋七月至其地至則伐木列柵推一人爲長曰山頭眾隨其所之期盡一峰而返人皆以布囊蒙首留二目如面具左手然朽木以驅蠓螻右手持銳木以禦虎豹披荆棘犯風雨而求之雖山崩水溢勿顧也夜歸柵中葎或蒸

或者貫以線炙乾之聽怪獸之聲遶柵而號巖谷震動
間失道暮宿樹杪嚼蓐以代食強弱不敵多為人所劫
害霜降以後草木黃落無從辨其根芟採蓐之人于是
乎歸蓐之性背陽向陰喜卑溼地雖草長至尺而苗必
高出其上其根遇鐵則爛其苗隔歲一苗未茁者名啞
蓐如花之歇枝也然採之者有幸有不幸焉或終日不
獲一或舉一而遇百或數十步外望之有光或以足踐
之而不見其形三極五葉相對而生一莖獨上而有七
節開花如蓍結子如豆由青而黃而紅有異雀黑色而
小羣飛啄食之蓐子非從雀腹中過墮地則不甲坼其

叢生樹下雖物性使然亦雀矢所遺者多耳序詞詳贍
足備志牒詩亦荒怪奇詭無襲積之痕篇長不錄

影

宋人都城紀勝

題曰灌圃耐得翁撰專記杭州故事

凡影戲京師人初以

素紙雕鏤後用彩色裝皮為之其話本與講史書者頗
同大抵真假相半公忠者正貌姦邪者醜貌蓋亦寓褒
貶于世俗之眼也此書序作於端平乙未宋理宗二年
也是南宋時即有此戲矣他如相撲即角傀儡講史演
公案打筋斗踏蹺弄梳弄毬諸技言之亦詳

漆沙硯

漆沙硯以揚州盧葵生家所製爲最精顧澗蕢廣圻爲作記其祖映之嘗於南城外市中得一硯上有宋宣和內府製六字形質類澄泥而絕輕入水不沈甚異之後知其爲漆沙所成授工仿造克適於用葵生世其傳一時業此者遂衆凡文房諸事無不以漆沙爲之製造既良雕刻山水花鳥金石之文悉臻妍巧

鄉姪

宋鄧氏肅柝欄文集上龜山先生楊博士書自稱鄉姪鄧某

蘇子卿墓木南夜

陝西韓城縣西北五里蘇山有子卿墓柏數百株咸南向明崇禎間左忠貞公懋第率是邑拜於墓下而新其祠垣噫精氣所結格及草木厯千百年不泯焉不獨岳忠武墳之著異於時也

勸善書

宋晁氏公武郡齋讀書志小說類勸善書六卷周明寂元豐中纂道釋神奇禍福之效前人所傳記者成一編以誠世拾遺十五卷疑亦明寂所纂又考宋葉留字景良括蒼人亦有爲政善報十卷採取經史各說以及當時宦蹟功在生民慶留後裔者以成一編意取於官師

相規以為有位者勸

見阮文遠公元學經室外集提要

名禮曩見千古

功名鏡十三卷亦宋人所撰

題曰瑞齋吳大有勉道編

其書以陰德

為首凡夢卜相命取其功名感應之尤切者附著焉至

明仁孝皇后勸善書二十卷

刊成於永樂二年

尤為繁富

楊忠武公訓子語

綦江伍燕堂封翁紹曾錄藏楊忠武公遇春家書一則
諭大兒國佐云現在川中永北猓夷不靖將來制軍必
然前往邊界督兵剿辦如有此信我舉家大小受恩深
重爾自應告請帶兵跟隨前往爾此時年正強壯正可
操練本事學習見識萬不可賦閒即如帶兵打仗全在

鼓勵士卒駕馭得宜籌糧散餉時時調劑賞罰公正同
受甘苦方能收攬其心對敵打仗時旋探旋進切不可
大意若能平日恤兵兵亦願將同心協力自然所向無
敵至於打仗之法務在迅速隨機應變不可遲疑為將
領者首以地利為重次要眼力照料得準腳跟站立得
定切不可少有畏怯必須身先士卒人人自必奮勇直
前一鼓作氣斷無不制勝之理若一味自恃勇敢敵一
人者也此中機宜要爾審度切不可看奇門及行軍寶
鏡拘定時日坐失事機關係甚重我一生全不講究此
等學術全靠心術專一上可以對天下可以對眾此係

我平生得力之要法未嘗不屢戰而屢勝也要爾領畧諸事謹慎而行方可以仰報 聖恩並可以副我期望之苦心爾亦不枉作將門之子也爾其勉之右所言切中行軍之要公一生戰略具載 國史及族子誠村通侯芳所述中外勤勞錄中

忌辰禁嫁娶

忌辰向不禁嫁娶雍正五年古北口游擊劉繼鼎於

聖祖仁皇帝忌辰婚娶為提督郭成功所劾革職

治罪今通行時憲書於

列祖

列宗並歷

代

列后忌辰不載宜嫁娶字

世宗憲皇

帝命欽天監詳議後永為定式定例凡忌辰 皇上

在宮中素服齋居一日而臣庶酬酢慶賀不敬莫大乎

是矣 聖訓煌煌昭垂簡冊第恐窮陬僻邑日久而

漸忘願天下有司廣錄 諭旨宣示鄉閭俾知所遵循

焉

記東園

道光己亥秋日予與黃蓉石刑部玉階結詩會於城南觀音禪院之東園與斯會者陳雲伯文述家筠潭紹本兩丈及陳君頌南慶鏞賓主凡五人設伊蒲饌談藝甚歡聞有詩僧蓮衣寄居於此邀之同坐詢之乃吾邑儒

家子也二十年前與雲丈子小雲裴之相識於揚州蓮衣初不知小雲之既歿也道及小雲當年友朋燕飲之盛及丈令江都諸惠政丈憮然久之嗣是丈往來甚密蓮衣好吟咏煨僧不相能住持見其交游多冠蓋中人陽示以禮而心實厭之予與雲伯丈諷之曰此地豈可以久居乎時丈方以縣令謁選吏部未幾得安徽之繁昌將欲攜之同行予力爲懇患慨然諾買舟由潞河南下假道吳門館蓮衣於禪寺屬家香士道芬寫蓮社證因圖寄予以識文字緣焉雲伯丈之繁昌後以事與上官忤幾遭罷斥越三年卒年已七十有三矣磬石奉諱

歸粵家庭多拂意事筠潭丈以鴻臚致仕流寓江南數年中先後化去頌南浮沈仕途蹶而復振而蓮衣上人今亦不知挂錫何方矣予重過東園不勝陳迹之感焉

楊武陵

王氏宏撰山志論明末楊督師嗣昌事極爲允當其言曰或有舉近世奸相及武陵者雪客偶以問予予曰武陵可議在奪情一事然亦有可原者當時實出自上意非武陵之爲之也但既有人言祇當引罪力求去不當與漳浦對辨上前又不當言及鄭鄭以引上怒而才不足以及濟變又或一時意計之偏則有之固不得謂之賢

相如謂之奸使與烏程宜與同科則冤矣且其不逞欲
贖貨卒以疆場事自盡亦可無憾或曰其自盡也懼法
而死耳予曰懼法而死亦賢者事視彼已賜死而周章
傍徨營求內外以妄冀赦書于半夜者其相去何如耶
漳浦學問品行高耳所謂應變將略亦非所長觀其後
所爲可見若其大節則與日月爭光可也漳浦之節愈
高而武陵之論不得不抑而愈下此武陵之不幸也理
勢所至非人力能爭矣名禮案沅湘耆舊集載督師詩
三十餘首讀至歲暮待命蔚州諸作足見當日心事山
史惜其才不足以濟變誠爲定論固不必援引顛天錄
及他書力爲辨白也

元遺山詩注

烏程施北研國祜熟于金源掌故所著金源劄記外有
元遺山詩注十四卷詳于時事而略于故實自言舊稿
燬于火友人愆思更聚書注解七月而成宜其疎漏也
卷首列年譜一卷考遺山年譜大興翁覃溪學士方綱
歛凌仲子教授廷堪皆有成書詳略互見合北研而三
矣元人閻宏曾遺山詩注本後聞姚牧菴之言而止
見姚文公燧牧菴集閻君墓志銘其時相去未久引據時事當必信而
有徵惜其書之不成也

陸放翁詩注

稽氏承咸梁溪書畫徵言其鄉許氏富藏書有許眉岑仲堪者注放翁詩集甚詳惜未板行今其書不知尚存焉否他日當向錫山人詢之眉岑與鮑若洲汀交善乾隆嘉慶間人也

蘇東坡詩補注

宋漳州黃學臯有補注東坡詩王應山閩土記載其目見查氏慎行得樹樓雜鈔今是書未見刻本體例若何抑補施注所未詳耶

吳梅村王漁洋別號

予得歸文休昌世墨竹卷後有吳梅村跋自署大雲居士又王漁洋亦號詩亭逸老見程哲所刻蓉槎蠡說序

沈歸愚選詩

沈歸愚尚書德潛選 本朝人詩義例見存者不錄獨登黃莘田大令任之作莘田鄉人孟瓶菴超然作書與莘田曰歸愚選先生詩固以為六十年前旗亭傳唱必已超埃壒而游閭闔庸知綠鬢婆娑尚抱膝長吟于烏山白水間也

瞿稼軒論張江陵

明瞿忠宣公式昶在掖垣時上疏有云當神廟初年江

陵柄政凡民生國計吏治邊防事事綜覈件件精明自大臣以至小臣自內臣以至外臣稟稟救過不遑隕職是懼雖事嫌刻覈元氣微傷而廊廟邊疆皆有精明強固之象則以江陵不徇情面惟責成功故至今譚相才者猶不能不追思之此數語與昔人恩怨盡時方論定封疆危日見才難同一意也

二語王天庚謁張文忠公祠句朱竹垞稱為詩史天

庚名啟茂石首人崇禎末以明經薦不就

左忠貞公死後事

近人刻明左忠貞公懋第集附載年譜言公死後都門有諸生曹某者素負狂名人莫與之語聞公變撫而哭

之痛歸嚮得百金徒步扶櫬歸萊陽張氏爾歧蒿菴閒話則謂先生盡節後兩僕奉其遺燼而南史閣部迎之淮上命之衰經主喪閣部諸公與之哭弔成禮兩僕一名羅質一名宋敬兩僕事各家作誌傳均未載考劉澤蓀撰公暨劉淑人墓誌銘金陵既定淑人北旋至鎮江聞先生殉難之信隱忍間道歸里收餘燼迎先生靈車還葬蘿石先阡亦不言歸櫬南至淮上之事

順天書院

明首善書院在宣武門內天啟初鄒公元標馮公從吾所建未幾東林難作遂廢後西洋借地修厯名曰厯局

我朝仍之日時憲局 聖祖御書門額天文歷法可傳永久入字道光年間西洋人不復來京師無人居之今其地亦漸就荒圯矣自首善廢七八十年京師無復立有書院康熙庚辰大京兆錢公晉錫設大興宛平二義學教士宛平寄宣武門外長椿寺而大興僦屋於洪莊洪莊者文襄公承疇賜園也在崇文門外金魚池上嗣是宛平之學并歸大興延王崑繩源主其事從游日眾京兆欲市莊內隙地構堂文襄孫奕沔不可乃上疏託言奕沔願割其地以建學 聖祖嘉其請書廣育羣材額以賜奕沔奕沔聞之大驚而無如何王

崑繩爲之記備敘其經營之始乾隆十五年庚午改名曰金臺書院至今肄業生徒甚眾而籍隸他省者亦附焉

蔡夫人書孝經卷

楷書孝經一卷末題明忠烈文明伯武英殿大學士黃道周妻蔡氏玉卿書於石養山中之齋室凡二十九字不著年月攷黃公我朝定諡忠端具見勝朝殉節諸臣錄忠烈之謚唐王隆武時所贈夫人此卷蓋丙戌後作也年譜孺人林氏侍太夫人來京就養至嘉興病卒天啟三年事六年丙寅先生年四十有二娶夫人蔡氏

許部蔡乾釜姪女據此蔡夫人為先生再娶或以為濫
室南海潘氏聽帆樓書畫記誤矣譜於夫人事不之及志乘他書多
紀之名潤石玉卿其字也幼讀書知大義十歲能屬文
事母孝母病與其妹刲臂瀹羹以進及歸黃事姑復以
孝著先生廷杖繫獄夫人寓書謂天王明聖不日霽顏
語不及私遣戍復致札云自古忠貞豈煩內顧身後之
事玉卿圖之及先生死乃使長子偕門客之江南得齒
髮歸葬北山墓側流離播越不脫衰絰與子姪言不踰
闕晚卜居龍潭長齋二十載卒年八十三卒之日出所
臨先生書孝經付其子麇曰吾諸孫必有能讀此者尚

其與之詩文不自有所傳者與侯生書題侯太孺人遺

詩二篇而已

見洪氏思所作夫人行狀及蔡堂節錄梁谿詩鈔諸書

夫人書法端

勁具有隸體視先生雖稍遜然必非俗手所能模範先
生嘗易其名曰孝徽有以也夫

蔡夫人墨竹軸今藏福州梁氏漁洋山人香祖筆記
稱其精繪事嘗作瑤池圖以遺母固不僅書法見長
也嗚呼此特小技耳詎足為夫人重哉因附記之

藏經音義

唐釋元應一切經音義二十五卷著錄於新唐書藝文
丙部道家類改名眾經音義宋晁氏公武郡齋讀書

志小學類有唐藏經音義四卷未詳撰人分四聲以類相從蜀中印本與元應書體例卷數均不相符新舊書未載其目又高僧傳云唐釋慧琳爲大藏音義一百卷今亦不傳

黃忠端公書孝經冊

明漳浦黃公道周居官以清苦聞天下崇禎庚辰被逮白雲庫下諸獄卒皆不敢有望於公惟日奉紕札丐書時公拷掠備至血肉淋漓日據敗几書孝經以當役錢凡一百二十本皆與獄卒持去見莊起疇所著年譜及孫承澤庚子銷夏記此冊舊藏亳州何氏今歸于予題曰第二十九本作於

崇禎辛巳八月據年譜崇禎十四年辛巳公年五十七

前一年庚辰已在請室

集中庚辰長至後五日及除夕詩皆請室中作

辛巳

之臘謫戍辰陽壬午二月始出都作此冊時刑曹尙未定讞也冊首隸書通神明光四海六字庶人章五刑章廣至德章諫諍章及章末皆自書跋語

附錄跋語

庶人章第六 自天子至庶人皆以不毀傷爲始揚名顯親爲終不毀傷其身然後能不毀傷天下人之身揚名顯親然後能錫天下以和順之名立身事親孝之終始無天子庶人一也而天子爲大第十六章

修身慎行恐辱先也原本於此

五刑章第十一 上明五德下明五刑歸於非孝無親聖人豫知後世必有楊墨之既爲先防如此

廣至德章第十三 仲尼開口說至德要道三千年來人都認作孝字其實只是敬也敬因嚴生嚴繇愛出爲此天性上便有君臣之義所以把享帝假廟之精神都於膝下日嚴處看出所以初言教之所由生也至是又說君子之教以孝也可見孝字只是因性立教的路頭到敬字纔有升堂入室地位無敬做孝不成無孝做教不出看他說此二章語語分明要做

聖賢只就敬處著手

諫諍章第十五 將順愛也諫諍敬也非敬何愛陷不義之禍至於危亡無令名之患甚於毀傷故甯受毀傷之禍不避近名之嫌也

右經十八章 今文一千八百四字 此篇炳如日星與大學中庸相爲表裏孝爲德之根祗敬爲孝之要歸孟子所稱仁義禮樂之實皆從此出而孟子說不學不慮不如說敬之爲要約也論語一部皆言仁獨此經未言仁所以曾子有聖人之德無以加於孝之問中庸一部書多言孝獨未嘗言諫諍所以曾子

有從父之令得爲孝乎之問有此兩問爲此篇發大
眼目使聖帝明王所以仁天下萬世之心與孝子忠
臣所以救萬世天下至意晃然中天不然後世只說
郊祀配天是報德崇功之極爭臣爭友猶有近名近
刑之嫌如此則素相素臣皆無復七世觀德之事諸
臣媚子久據有明德啟免之長矣此書明明以揚名
二字開導中根以立教二字獎引上路凡聖賢作此
事原本心性與世上聲華纖毫無涉到其所以立教
處雖毀傷肢體駁落膚髮猶且爲之賴有曾子兩問
於將順匡救處討出骨肉不然是一味過歲飴糕也

黃忠端書孝經卷

續本

咸豐辛亥人日予與蘇廣堂給諫廷魁同游琉璃廠肆
賈人有新自吳中來者出所得孝經二卷一爲黃忠端
公書一爲蔡夫人書元和毛氏物也一亭雜記忠端公
亦有自跋書於辛巳秋仍爲請室中筆墨末後一行崇
禎甲申仲秋望日偶錄石齋白雲庫下書石齋上予諦
觀之後署字不應重出玩其筆勢當是蔡夫人臨本忠
端作於辛巳者夫人至甲申秋復摹錄其副耳洪思作
夫人行狀言卒之日以所臨忠端公孝經授其子棻堂
節錄徐氏時言夫人善臨池代公作行草幾奪眞嘗偕

北上舟中臨衛夫人帖人皆以匹錦售之然皆署公名
晚年乃自署亦不輕予人皆夫人代公作書之證考年
譜崇禎甲申公年六十其時正上疏福王經營鄴山書
舍嗣是朝命敦迫就道而終無還山之期矣卷尾有彭
二林進士紹升所作頌一篇文字古雅余與賡堂反覆
嗟賞久之不忍釋手賡堂勸予購藏亟取白金五十餅
投諸肆取二卷而歸

附錄跋語

大學說本亂末不可治中庸說聲色於化民末也此
章說先王見教之可以化民其所因者本也終言生

民之本盡矣有子孟子所言為仁守事皆從此出原
本只是看身即是親親即是天享祀明堂與立名立
教更無兩義耳

顧亭林輓張稷若詩

盛氏百二袖堂筆談濟陽縣志載有顧亭林聞張稷若
訃一詩集中不載云歷山東望正悽然忽報先生赴九
泉寄去一詩懸劍後貽來十襲絕韋前原注君有儀禮
句讀十卷錄副
予衡門月冷巢鴛室墓道風枯宿草田從此山東問三
禮康成家法竟誰傳蒿菴卒於康熙丁巳季冬時亭林
在關中此詩蓋作於次年也名禮案近徐星伯丈松張

石州穆編亭林年譜此事失載

憫忠寺僧

京師宣武門外法源寺唐名憫忠遼金時典故最多趙氏翼已考得數事廿二史劄記卷二十八偶閱遼僧行均龍龕手鑑前有統和十五年丁酉七月初一癸亥燕臺憫忠寺沙門智光字法炬序遼時僧人喜講文藝此序亦憫忠寺遺聞也

履歷減年歲

王文簡公士正池北偶談士大夫履歷例減年歲即同人宴會亦無以真年告人者考宋時即有真年官年之

說見容齋隨筆

錢氏大昕編王深甯先生年譜先生生於宋甯宗嘉定十六年癸未七月二十九日後八年理宗紹定元年弟應鳳生與先生同陳氏僅重定年譜引宏簡錄道學本傳父撫同日雙生二子應麟應鳳並據先生自作墓誌及先生子昌世所作壙記具載嘉定七月庚午日先生與弟應鳳同日生以正錢氏之誤名澧案寶佑四年同年錄第一甲第九人王應鳳下注年二十七以年歲計之應鳳實少先生八歲當即錢氏所本然不如墓誌壙記更為可信也錄中不書真年亦當時競用官年之證

端四日

名禮以五月初四日生因別號為端四生後閱朱氏載
颺霏屑集鴻臚高少卿五月初四日生其子折簡招友
箋尾署端四日人皆笑之攷歲時記五月一日至五日
皆可稱端宋文信國公生於五月二日其生朝詩有客
中端二日之句見指南錄

小年

文信國公指南錄二十四日詩注小年夜詩云春節前
三日江鄉正小年作此詩在祥興二年己卯其年以十
二月二十六日立春也此風始於宋時禁中大中祥符

元年以是日為降聖節

聖祖是日降延恩殿見宋史禮志

至乾道時為

小節夜民間謂之交年

見乾道歲時記

前明沿其俗宣府鎮志

是日北人謂之交年是也

行

輩行之行有平去聲兩讀胡氏鳴玉訂譌雜錄云近時
一名流將丈人行誤押陽韻名禮案丈人行宋陸游詩
客來都避席謂我丈人行也押入陽韻不自胡氏所見
者始儀禮喪服傳鄭注婦人嫁於父行則為母行嫁於
子行則為婦行陸德明釋文行戶郎反漢書匈奴列傳
漢天子我丈人行也顏師古注行胡浪反唐人已兩

讀杜甫詩十五男兒志三千弟子行從平聲讀也又豈如吾甥不流宕丞相中郎丈人行王孫丈人行垂老見飄零及杜牧詩再拜宜同丈人行過庭交分有無同從去聲讀也

書鋪

宋趙氏升朝野類要卷五凡舉子預試並仕宦到部參堂應該節次文書並有書鋪承幹書鋪之名始見於此

內閣官制

今制大學士滿漢各二人正一品兼殿閣殿三曰保和文華武英閣三曰體仁文淵東閣協辦

大學士滿漢各一人俱從尚書本銜內閣學士兼禮部侍郎滿六人漢四人從二品食三品俸侍讀學士滿四人蒙古漢人各二人從四品侍讀滿十人漢二人蒙古漢軍各二人食正六品俸五品頂帶典籍滿漢漢軍各二人正七品中書滿七十人蒙古十六人漢軍八人漢三十人貼寫滿四十人蒙古六人從七品

謹考會典詞林典故及王氏正功中書典故彙紀諸書

國初設文館於盛京天聰十年三月改建內三院

曰內國史院內秘書院內宏文院順治元年三月增設

三院學士各一員二年三月定為正二品衙門四月令

翰林官由內院補授閏六月裁翰林院以歸內三院定內三院大學士二員爲二品學士四員爲三品六年正月更定內院官制三院各設學士一員十年六月增設三院漢大學士各二員十五年七月裁內三院改三院大學士爲殿閣大學士十八年六月裁內閣翰林院復設內三院七月設內三院滿漢大學士各一員滿學士各二員漢軍漢學士各一員康熙八年七月裁三院滿學士各一員九年八月復改內三院爲內閣十月改三院大學士學士銜加殿閣大學士兼尙書學士兼禮部侍郎另設翰林院

翰林院於順治時歸併內院康熙九年仍復其初其時大學士仍兼各部尙書銜蓋自順治初年以來員缺無定出自簡在康熙雍正間漢大學士三人以存內三院之舊雍正七年授禮部尙書陳元龍左都御史尹泰爲額外大學士卽今之協辦也大學士以殿閣稱者殿四閣二有中和殿大學士乾隆十三年定爲滿漢各二員協辦滿漢或一員或二員殿銜不列中和而增體仁閣之名爲殿銜三閣銜三
順治五年定內三院滿洲大學士爲一品漢大學士以五品兼漢尙書爲二品十五年改殿閣名滿洲大學士

一品漢大學士仍以五品兼銜爲二品康熙九年定滿漢大學士俱正二品兼尙書銜其時尙書亦二品雍正七年升大學士爲正一品尙書爲從一品乾隆五十八年上諭大學士職居正一品毋庸兼從一品銜順治十五年設學士侍讀學士侍讀等員中和保和文華武英殿學士各二人文淵東閣學士各二人以禮部侍郎兼之十六年留殿閣大學士裁殿閣學士及侍讀學士各員現任者以原官留任缺出不補滿侍讀學士以下改中書仍照品級兼卿寺銜典籍中書照舊置設康熙九年學士仍以禮部侍郎兼殿閣

銜十年罷兼銜稱內閣學士兼禮部侍郎定設滿學士四人漢軍學士二人漢學士二人十二年漢軍漢人併爲漢缺共四人滿字侍讀學士二人滿漢字侍讀學士二人蒙古侍讀學士二人漢軍侍讀學士二人乾隆十七年改漢軍爲漢缺以漢軍漢人並用學士秩三品雍正十三年侍郎升正二品學士如侍郎品級侍讀學士秩五品升四品而侍讀亦升五品給六品俸今侍讀學士滿洲蒙古漢人共八員侍讀共十四員滿本堂侍讀學士二員侍讀四員無漢人漢本堂侍讀學士滿二員漢二員侍讀滿三員漢軍二員蒙古堂蒙古

侍讀學士侍讀各二員滿票簽滿侍讀三員漢票簽漢侍讀二員初康熙十年設滿字侍讀四人滿漢字侍讀四人十六年增三人三十八年裁減尋復增二人凡滿侍讀十人蒙古漢軍各二員如舊其漢侍讀二員則雍正四年設也今侍讀學士列京堂惟考試試差仍與典籍中書及翰詹科道六部各官同試侍讀缺出由典籍中書內揀選引見補用
典籍本正八品漢缺以中書俸深者由吏部題選乾隆二年閣臣奏改正七品漢中書缺三十二乾隆十三年裁二缺雍正十一年翰林院添設起官注主事一員缺

出中書內揀選三人引見候用其後典籍與焉雍正元年宗人府設漢主事二員缺出則以進士出身之典籍中書及國子監監丞博士助教一併揀選

內閣飯銀

雍正六年令各省督撫藩司每歲各出銀百兩爲內閣侍讀學士等官飯銀而不及學士十年山海關進羨餘三千兩給內閣官員學士與焉而不及大學士乾隆十四年撥戶部銀庫平餘銀及鹽關各差二十五處每年計一萬有奇而大學士學士一體受賜其餘各官以數遞減閣中本匣紙墨之需仰給於此下至供事皂役紙

匠亦得沾溉焉今飯銀庫滿洲侍讀二人掌之歷年各
省積欠未解交者為數甚夥物力盈絀固有今昔之殊
矣平糶可濟賑車平糶賑文豐圖各差二十五款
三千書賈內閣官員學士典簿而不及大學士詩對
宋錢唐陳思著寶刻叢編以記所見金石文字臨安陳
起喜與文士交刻六十二家詩為江湖小集明隆萬間
童珮子鳴有詩六卷皆書賈之少知文藝者

禁白蓮佛事溫丞相士也禁一輪轉數
沈氏濤瑟榭叢談元史英宗紀至治二年閏五月癸卯
禁白蓮佛事白蓮佛即今所謂白蓮教也蘇與蘇叢五

內閣掌故宜有專書

六部院寺皆有則例越數年或十年重加增定然宏綱
鉅目書大清會典一書已括其大指則例特其繁文耳
官書之外私家著述如黃氏叔瓚之南臺舊聞江氏口
口之太常紀要援古證今瞭如指掌亦居是官者所不
可廢內閣職掌絲綸地居中自
禁近向無專書其職守非如六部院寺之委曲繁重可
以分任于胥史也大而朝章國典細而軼聞逸事將聽
其放失乎名禮昔讀山陽阮氏葵生茶餘客話自序直
票簽百餘日中粗繙外記一遇夜直攜長蠟三枝竟夕

披覽不倦史歲典籍百數十年之章疏積若崇山隨意
抽閱如獲至寶心嚮往之及名禮以道光癸卯入直內
閣欲搜羅掌故勒為一書以阮氏之言詢諸閣中前輩
則先于道光初直廬不戒于火舊時案牘蕩然無餘悵
悵久之暇時因雜輯羣籍中自唐迄明省名官制建置
沿革手鈔已成尺許將命名曰中書舊事考友人以仁
和王氏正功中書典故彙紀八卷見示反復披閱凡有
涉中書靡不甄錄間加考證可謂詳而且賅視名禮倍
之因盡棄其稿焉又於上海錢氏指海中得葉氏鳳毛
內閣小志一冊首志其地次志其官次志其職事次志

其儀文末志其姓氏亦復簡而有法惟卷末附故事二
十餘則援引疏畧不如王氏遠甚然二書皆成於乾隆
三十年乙酉至今又數十年儀文規制不無損益顧名
禮備官閣下隘於聞見不能續三先生未竟之緒不可

愧歎

漢票簽不戒於火道光二年壬午十
二月二十四日事直宿者鮑君庚也

內閣設漢侍讀

雍正四年設漢侍讀二員張正璠沈青崖二君其名始
未詳始
為此官後皆出為巡道由中書舍人升刑部主事仍為
舍人升侍讀者則有畢君誼江蘇松江人康
熙戊戌進士由侍讀為
御史仍留票簽者則有陸君尹耀具見葉氏內閣小志

內閣初設官

曹氏仁虎宰輔拜罷小志內閣初設有承政參政理事官副理事官又考取舉人生員入內院辦事攷順治十八年縉紳冊無承政等官未知何時所設尋復裁減理官副理事官六部五城通政司大理寺皆有之見順治十八年縉紳冊明時中書有兼司經局正字者二員國朝因之後止設一員乾隆三十六年吏部奏裁此缺

絲綸簿

今內閣進本擬簽經御定後學士照簽批紅於本面原寫進簽仍交漢票簽收存直班中書記於檔冊曰絲綸簿其制亦本於前明王文恪公整震澤長語累朝絲綸簿具存內閣復辟記朝廷旨意多出內閣條進稿留閣中號絲綸簿是也然今中書職掌不同前明絲綸簿之名則仍其舊耳

內閣規制職掌

內閣古中書省也定制於明永樂初國朝基址一如其舊在午門內東南隅門西向入門西為滿本堂掌校寫清字本祝板印篆及皇史成大庫之收藏東為漢本堂掌收發通本各省督撫提鎮學院本由通政司達於閣曰通本繙清文兩堂之間北有一門入門有堂三間為大學士直舍堂上

懸調和元氣四字額乾隆九年十月初一日 御書賜

內閣者楣間懸乾隆十八年六月初六日 嘉慶五年十一月十八日

道光二十二年三月十三日 三十年十二月十二日 上諭凡四道

又嘉慶十八年七月 御製勤政殿記墨刻 臣鐵保 敬書

二十年四月二十七日 御製內閣箴 清漢書 堂外懸機密

重地一應官員不許擅入違者治罪不饒 亦清漢書 順

治十一年五月二十四日 聖旨也屋皆覆黃瓦堂垣之東西

向者漢票簽處校閱各部院本票擬繕寫簽記絲綸簿

擬撰進奉文字收存軍機處發交事件後南向滿票簽

處又後小屋滿檔房校閱清字本繕清字簽與其檔案

傳知各衙門鈔錄事件事件自軍機處領出有奏摺奉

旨者漢中書司之奏摺未發交或 特降旨者滿中

書司之值 園班者同 園班滿中書每值五日 漢滿

票簽西垣外日稽察房 員無定 凡諭旨票簽處傳鈔後按

日記檔月終彙奏職司簡甚票簽處每日進本簽經

欽定 旨下滿漢學士照簽批紅本面 大學士標示

所以避 尊也 假稽察房為批本之地又北東向日飯銀庫南

向日典籍廳定例部院及各職司皆有鑄印大學士無

印惟廳有關防掌文移統屬吏役有典禮請用 御

寶滿侍讀兼攝其事廳分南北為二廳之外往北屋覆

黃瓦曰蒙古堂繙繹外藩諸部文字課俄羅斯學生此閣以內之規制與其職掌也由滿票簽處北去則閣之後門後門之東紅牆一帶爲大庫門二典籍廳滿本堂分掌其鎖鑰存貯
列聖實錄批紅副本歷代帝王功臣畫象書籍 誥勅房在午門內之東廊管理者無定員滿漢本堂侍讀二人充提調官初各官請封典漢中書撰文擬進爲軸頒發乾隆中彭文勤公元瑞奏請撰定滿漢京外文武各官 誥勅文不必隨時具草後遂爲例雍正七年青海用兵以內閣在旨太和門外事慮洩露設軍需房於 隆宗門內選中書之敏慎者爲章京後其地改名軍機處實爲內閣之分局沿至乾隆末章京不必盡出身中書而六部理藩院司員亦充是選矣

叢書

古無輯錄各家著述爲叢書者唐陸氏龜蒙有笠澤叢書叢書二字始見於此然仍詩文專集也宋溫陵曾慥集穆天子傳以下二百五十種爲類說是則後世叢書所由昉後陶氏宗儀刻說郛所錄不下千餘種卷帙雖云繁富然任意芟削頗失原書之真讀者病之有明代如眉公秘笈之類多蹈此習毛氏晉津逮秘書成於

崇禎之季校勘精善遠過前人本朝二百餘年收藏之家多喜輯刊叢書凡人間罕見之本無不廣為搜採桐鄉顧氏修曾輯宋元以來叢書目彙刻十冊而我朝尤為富其書成於嘉慶年間迄今數十種可補輯也稽古者得以按冊而購藏之矣至如歛鮑氏廷博當朝以知不足齋叢書進御褒題詩章恩賜舉人尤藝林之盛事也

避孔子諱

趙氏翼陔餘叢考金史明昌中詔周公孔子名俱令回避又詔有司如進士名有犯孔子諱者避之著如今此

近代避聖諱之始錢氏大昕養新錄則云大觀四年避孔子諱改瑕邱縣為瑕縣龔邱縣為龔縣名澧案瑕縣龔縣宋史地理志屬龔慶府魯郡本充州皆大觀四年所改以其地近聖人之居耳他如京畿雍邱封邱之屬均未避改也我朝申令極嚴雍正三年奉上諭孔子聖諱理應迴避令九卿會議九卿議以凡係姓氏俱加卩為邱字凡係地名皆更易他名書寫常用則從古體正字議上上諭朕細思今文出於古文若改用正字是未嘗迴避也此字本有期音查毛詩古文作期音甚多嗣後除四書五經外凡遇此字並加卩為邱地名亦

不改易但加旁讀作期音庶乎允協足副尊崇先師至聖之意

順天鄉試同考官

順治二年定例鄉試房考京闈用中行及候選進士如不足取在外推知到京送察院候順天府伴行入朝同主考監臨等官 陛辭入院五年題准聽禮部會用吏部選用十七年除郎中不差外吏部取各部員外郎主事中行評博國子監科甲出身之員及近京推知先取進士出身者不足兼取舉人出身康熙二十六年專用直隸科甲出身知縣乾隆二十一年停止改用京堂

趙歐北汪龍莊考史之法

趙氏翼成廿二史劄記三十六卷自言不能研究經學惟歷代史書事顯而義淺便於流覽爰取爲日課有所得輒劄記別紙有稗乘臆說與正事岐誤者不敢遽詫爲得閒之奇修史時此等記載無不蒐入史局棄而不取必有難以徵信之處今反據以駁正史不免貽譏有識錢氏大昕謂此論古特識顏師古以後未有能見及此者同時汪氏輝祖治元史專以本史參證不更旁引他書區以三類曰證誤曰證遺曰證名二君於學皆能實事求是可爲考史之法矣蓋歷代修史未必出於一

人之手前後踏駁固可就本書以正其說而裨官野史
當日登諸史館秉筆者或持一己之私見以為定評或
有所避忌而不敢直言三國以後比比然矣自予觀之
讀史者自當奉正史為主正史而外不妨兼及別史折
衷於一是凡支離謬誕之談概從刪削焉裴松之之注
三國志亦即此意而惜其決擇之未精也

兵部請進天下輿圖

順治十二年七月兵部奏凡天下險隘要衝地方職方
司皆有圖籍而邊事特重故鎮戍總圖九邊圖以及沿
海腹裏並夷蠻獠獍宜備禦者著於圖說疆域之或險
或易兵馬之宜增宜減一覽瞭然今時勢既殊圖籍應
易請 敕下各直省督撫將所轄境內水陸衝區及險
隘形勢繪為二圖仍錄明季設置兵將幾何今改設幾
何詳注圖旁謹攷乾隆六十年以前中外臣工所進圖
式今存輿圖房隸造辨處

師傅保銜

國朝滿漢大臣自順治迄道光朝贈太師銜者佟勤襄
公圖賴滿洲鑲黃旗人兵部承政授定南將軍佟忠烈公養正滿洲鑲黃旗人遊擊
世職奉文勤公寬滿洲正藍旗人乾隆壬戌進士兵部侍郎贈太師銜者
贈太師銜者顧文端公入代滿洲鑲黃旗人禮部尚書加太師銜者

洪文襄公承疇 漢軍鑲黃旗人 兵部尚書 經略五省軍務 范文肅公文

程人漢軍鑲黃旗 大學士 金文通公之俊 江南吳江縣人 大學士 鄂文端公

爾泰 滿洲鑲藍旗人 大學士 兼兵部尚書 曹文正公振

鏞 安徽歙縣人 乾隆辛丑進士 兼工部事務 長文襄公齡 滿洲正白旗人 大學士

等威勇公總 理戶部事務 阮文達公元 江蘇儀徵縣人 乾隆己酉進士 兼工部事務

潘文恭公世恩 江蘇吳縣人 乾隆癸丑進士 兼理戶部事務 贈太傅銜者

謝清義公陞 山東德州人 大學士 兼理戶部事務 黃文僖公機 浙江錢塘縣人 順治丁亥進士 兼理戶部事務

部尚書 佟忠烈公國綱 勤襄公次子 內大臣 授安北將軍 統 佟端

純公國維 臣兼議政大臣 王文恭公頊齡 江蘇華亭人 康熙

丙辰進士 徐文定公元夢 滿洲正白旗人 康熙癸丑張

文端公英 安徽桐城縣人 康熙 朱文端公軾 江西高安人 康熙

甲戌進士 劉文正公統勳 山東諸城縣人 雍正 錢

文端公陳羣 浙江嘉興縣人 康熙 蔡文恭公新 福建

漳浦縣人 乾隆丙辰進士 朱文正公珪 順天大興縣人 乾隆

士 加太保贈太傅者 馬文穆公齊 滿洲鑲黃旗人 大學士 兼戶部尚書 董

文恭公誥 浙江富陽縣人 乾隆 加太保銜者 馮銓 順天

人明萬歷癸丑進士 張文和公廷玉 文端公子 康熙

士 兼吏部尚書 議 福文端公敏 滿洲鑲黃旗人 大學士 兼工部

政大書 傅文忠公恆 滿洲鑲黃旗人 大學士 兼工部 慶文恪

公桂 尹文端公子 大學士 兼領侍衛內大臣 贈太保銜者 希文簡公福 滿洲

正黃旗人大學士兼議政大臣 **孟忠毅公喬芳** 漢軍鑲紅旗人川陝黃

忠恪公梧 福建平和縣人 **史文靖公貽直** 江蘇溧陽縣

進士大學士 **梁文莊公詩正** 浙江錢唐縣人 **兆文襄公惠** 滿洲正黃

兼吏部尚書 **文端公保** 滿洲正白旗人 **兆文襄公惠** 滿洲正黃

大學士刑部尚書 **尹文端公繼善** 滿洲鑲黃旗人 **舒文襄**

公赫德 徐文定公孫大 **阿文成公桂** 滿洲正藍旗人

加少師銜者 **車文端公克** 滿洲鑲白旗人 **衛文清公**

周祚 山西曲沃縣人 **贈少師銜者吳順恪公六奇** 廣東

豐潤縣人 **饒平鎮張襄壯公勇** 陝西咸甯縣人 **雲南提**

總兵加左都督 **張襄壯公勇** 督加左都督 **靖逆將軍**

靖逆 **加少保贈少師銜者巴敏壯公哈納** 滿洲鑲白旗

統 **加少傅銜者額文恪公色黑** 滿洲鑲藍旗人 **贈少**

傅銜者 **王文靖公熙** 順天宛平縣人 **順治丁亥徐文穆**

公本 浙江錢塘縣 **加少保贈少傅銜者石忠勇公廷柱**

漢軍正白旗人 **加少保銜者王文通公永吉** 江蘇

鎮海將軍一等伯 **加少保銜者王文通公永吉** 高郵

州人 **都察院額勤良公爾克代青** 滿洲正黃旗人 **甯文**

毅公完我 漢軍正紅旗人 **蔣文端公赫德** 漢軍鑲白

士兼禮部尚書 **李文勤公蔚** 直隸高陽縣人 **贈少保**

銜者 **王文安公鐸** 河南孟津縣 **高文端公爾儼** 直隸靜

大學士 **劉明靖公武元** 漢軍鑲紅旗 **宋文康公權** 河南商

大學士 **李忠襄公率泰** 漢軍正藍旗 **圖文襄公海** 滿洲正

士 **李忠襄公率泰** 漢軍正藍旗 **圖文襄公海** 滿洲正

大學士兼吏部尚書都統議
政大臣撫遠大將軍三等公

黃忠端公降生事

明黃忠端公道周初字螭若父青原公名嘉卿母陳氏
妊娠之夕青原公夢金甲金斧擁神人而至故忠端續
騷中有始龍夢彼乾精嵌鏐錙其若鎧之語龍爲父稱
也莊氏起儔編年譜所述如此陳鼎荔枝譜及福建通
志言其家圃中有赤石長數丈大數圍母夫人夢石墜
而生先生因號石齋後石旁生荔枝一株閱十年而實
有翰墨香忠端領鄉薦擢南宮登翰林結實倍殉節後
樹亦枯其事與年譜異

拜年

明陸氏容菽園雜記京師元日後上至朝官下至庶人
往來交錯道路者連日謂之拜年如東西長安街朝官
居住最多至此者不問識與不識望門投刺有不下馬
或不至其門令人投刺據此拜年始於前明而此風至
今踵行已久至所云有閉門不納者今則無之然亦不
獨京師爲然凡通都大邑窮鄉僻壤無不冠裳角逐相
率爲懽者偶閱文衡山集中有詩云不求見面惟通謁
名刺朝來滿敝廬吾亦隨人投數紙世情嫌簡不嫌虛
可發一噓

讀書法

宋史儒林傳何基凡所讀無不加標點義顯意明有不待論說而自見者

明陸氏容菽園雜記陳元孚讀書法生則慢讀吟語句熟則疾讀貪遍數攀聯以續其斷喝怒以正其誤未熟切忌背誦既倦不如少住如此力少功多乃是讀書要務

張氏爾岐蒿庵閒話葉奕繩嘗言強記之法某性甚鈍每讀一書遇所喜卽劄錄之錄訖朗誦十餘遍粘之壁間每日必十餘段少亦六七段掩卷閒步卽就壁間觀所粘錄日三五次以爲常務期精熟一字不遺壁旣滿乃取第一日所粘者收笥中俟再讀有所錄補粘其處隨收隨補歲無曠日一年之內約得三千段數年之後腹笥漸滿每見務爲汎濫者略得影響而止稍經時日便成枵腹不如予之約取而實得也

壹貳叁肆等字

壹貳叁肆伍陸柒捌玖拾阡陌等字陸容菽園雜記謂始于明初刑部尙書開濟而宋邊實崑山志已有之考石刻隋龍藏寺碑勸獎州內士庶壹万人等唐開元寺貞和尚塔銘書開元貳拾陸年元和華岳廟題名壹月

貳拾陸日又云元和拾伍年壹月尉遲恭碑粟米壹阡伍伯石蓋不自宋始後世官書以此等字爲關防所以免他人改易也至如秦漢碑惟一二三書法不同則篆隸之體偶然耳

顧氏炎武金石文字記舊唐書睿宗紀先天二年三月癸巳詔制勅表狀書奏牋牒年月等數作一十二三十四十字知前此皆借壹貳等字不知其始于何年左氏暄曰唐法琬碑建于中宗景龍三年稱左衛翊壹府翊衛彭城劉欽旦書考唐書百官志翊衛之府二曰翊一府翊二府碑書一作壹足爲前此公牒借用壹貳等

字之證見三餘
偶筆

迴避

趙氏翼陔餘叢考引通考唐開元二十四年設別頭試爲後世科場迴避親族之始考宋史張士遜傳科場初用糊名法士遜爲巡捕官以進士有姻黨請迴避自是有親嫌者皆迴避著爲令是宋時迴避仍承唐制也宋史選舉志舊制秋貢春試皆置別頭場以待舉人之避親者自總麻以上親及大功以上婚姻之家皆牒送惟臨軒親試謂之天子門生雖父兄爲考官亦不避是避親者就試別院及赴廷對雖考官不避也選舉志又云

嘉定元年命朝官有親屬赴廷對者免差充考校十二年禁假託宗枝遷就服制者然考夷堅志汪義和預鄉薦淳熙辛丑其弟義端爲文院檢點試卷官牒詣別頭乃奏名以黃甲榜登第寶祐四年同年錄王應麟爲覆考檢點試卷官其弟應鳳名列一甲第九人當亦試別院者而錄未之詳又與嘉定時免差充考校之言不合或淳熙以後改復舊制有親屬赴廷試仍不避與

札

姜西溟編修宸英嘗著湛園札記閻百詩徵君乙之改札記爲劄記西溟引爾雅郭注春秋左氏傳孔疏皆有

簡札之文劄子古人用以奏事注疏家未嘗及之不從閻徵君說其自序如此名禮案劄字不見於說文說文札牒也又牒札也互相爲訓古時簡札用木爲之史記孟子荀卿列傳注以牒爲械索隱牒者小木札也而漢書路溫舒傳截以爲牒注小簡曰牒與爾雅釋器簡謂之畢注義相通說文簡牒也札內則鄭注簡所書篇數也札牒簡三字義通釋名釋書契札櫛也編之如櫛齒相比也然則後人隨筆記錄當用札爲是閻徵君以劄記名書並欲乙改湛園札記過矣劄廣韻以鍼刺也用以奏事唐以後書始見之

鄉會同年會

喬西維記

皇

宋趙氏升朝野類要卷五諸處士同鄉曲并同路者其在朝及三學相聚作會曰鄉會若同榜及第聚會則曰同年會此卽今同鄉同年團拜所昉

宋紹興十八年同年錄

錄載紹興十七年三月二十四日御筆手詔十八年四月初三日御試策各一道二月十二日鑰院勅差知貢舉一人同知貢舉二人參詳官八人點檢試卷官二十人二月十八日十九日二十日引試詩賦論策三場二十二日二十三日二十四日引試經義論策三場別試考試官一人點檢試卷官四人三月二十三日引試御

試勅差初考官三人覆考官三人詳定官三人徧排官二人初考覆考檢點試卷官各一人續承指揮添差到對讀畢充初覆考同共考校六人四月十七日皇帝御集英殿唱名賜狀元王佐以下及第出身同出身三百三十人釋褐當月十八日赴期集所糾彈三人牋表五人主管題名小錄九人掌儀典客各二人掌計掌器掌膳掌酒果各一人監門二人四月二十六日依令賜錢一千七百貫二十九日朝謝五月初二日就法慧寺拜黃甲敘同年初五日起國子監謁謝先聖先師充國公鄒國公立題名石刻于禮部貢院賜狀元王佐等聞喜

宴于禮部貢院

第一甲十人第二甲十九人第三甲三十七人第四甲一百二十二人第五甲一百四十二人特奏名一人朱子名列第五甲第九十人是錄以朱子存也初奏第一甲董德元居首陳孺次之王佐又次之佐為吏部員外郎時與秦檜子熿不合見陸放翁所撰墓誌渭南文集五甲第一百四十二人徐履本貫溫州瑞安縣時秦檜欲妻以女因陽狂廷對不答一字乃附五甲末時人為之語曰殿榜若還顛倒挂徐履依前作狀元事載附錄世罕知之宋趙氏升朝野類要卷二戲謂第五甲末為擔榜狀元

宗室十六人無一人名登史傳其宋史有傳者朱子外蕭燧尤表二人而已表後於甯宗慶元間與楊萬里薦蔡元定徵之不起蔡乃坐黨禁以死讒人高張賢士無名殊失高宗造士之苦心矣高宗試進士於南省戒飭有司毋以絺繪章句為正當以淵源學問為尚事關教化有益治體毋以切直為嫌其事在紹興五年後復申禁程文全用本朝人文集或歌頌及佛書全句則刻此錄之前一年事並見選舉志

寶祐四年同年錄
此錄體例與紹興十八年錄微異卷首載寶祐四年五

月八日御試策題一道勅差詳定官三人編排官二人初考官三人添差初考官覆考官各三人添差覆考官四人初考檢點試卷官覆考檢點試卷官各一人對讀官七人巡捕官二人五月二十四日皇帝御集英殿唱名賜進士文天祥以下及第出身同出身共六百一人當日赴期集所六月一日準勅依格賜進士期集錢一千二百貫文小錄錢五百貫文六月七日謝闕六月十三謁謝先聖先師究國公鄒國公六月二十九賜聞喜宴同日降賜御詩於禮部貢院七月一日准省劄爲期集所支用不敷再降題名小錄錢一千七百貫文七月

四日拜黃甲同日敘同年於禮部貢院七月二十五日立題名碑石於禮部貢院卷末載文信公廷對策策尾考官王應麟奏曰是卷古誼若龜鑑忠肝如鐵石臣敢爲得人賀賜詩一首文信公恭謝詩一首己未門謝表一篇

第一甲二十一人第二甲四十人第三甲七十九人第四甲二百四十八人第五甲二百一十三人每甲第一日第一名第二以下則曰第幾人治詩賦易書春秋周禮儀禮皆注於姓名之下名禮案此卽諸科之設據史志宋初已然不必因紹興十八年錄中未載而疑爲條

例之後增也

宋時本有迴避之例是年王應麟為覆試檢校官其弟應鳳乃以一甲第九人及第說見同條下錄又載文天祥字

宋瑞小名雲孫小字從龍年二十名禮考黃滔所作文

公傳云年二十寶祐乙卯舉進士明年對策集英殿是

丙辰年已二十一刻是錄仍舉進士之年也文信公死於至元十

九年壬午年四十七生於清祐六年丙午登科時年正二十一傳又云長而字之曰天

祥舉進士以字行改字履善字履善亦見宋史本傳今錄未之載劉岳申

所作傳言廷對寘第五而宋史儒林王應麟傳則云以

第七卷寘首選陳氏僅編深甯年譜同陳氏所據者明浚儀王氏家乘鈔本也未知孰是紹

興十八年錄尚附列董德元陳孺王佐三人原寘名次

此錄則未之及矣又如注通鑑之胡身之亦是科所舉

進士見通鑑序今檢第五甲第一百二十一人胡三省字景

參小名蒲蓀小字子持年二十七不言字身之第四甲

黃震字東發無小名小字年四十四即著日鈔百卷者

名列儒林傳世但知此錄以文公及謝陸二公而存也

二甲第一名謝枋得字君直小名鍾小字君和年三十一二甲第二十七人陸秀夫字君實無小名小字年十九

山長

五代時蔣維東隱居衡岳受業者稱為山長此隱居而

有山長之名也元史順帝紀至正三年監察御史成遵等言用終場下第舉人充學正山長是山長亦所設官也至順鎮江志卷十七學職中列淮海濂溪茅山三書院山長姓名是文宗以前已有山長之職自明以來由上官聘請乾隆三十年十一月初八日奉諭各省書院延師訓課向有山長之稱名義殊為未協既曰書院則主講席者自應稱為院長著於各省督撫奏事之便傳諭知之

明刻房書始於萬曆癸未二十一人慈溪鄭氏梁歷科詩義序後附選義十則其一云嘉隆以前時文號為極盛然未嘗有坊刻流行自萬曆癸未馮具區為房考刻書一房得士錄至戊戌而十八房俱刻於王房仲閱藝隨錄出而選家漸盛云云雲谷臥錄則謂始於萬曆二十年壬辰鈎元錄不知十一年癸未已有得士錄之刻萬曆以前則未之見也

柳耆卿墓

漁洋山人真州絕句注柳耆卿墓在城西仙人掌真州今儀徵縣也後人求柳墓不可得及閱宋人失名東南紀聞云耆卿死葬棗陽縣之花山遠近之人每於清明日多載酒肴飲於耆卿墓側謂之弔柳會曾氏敏行獨棗陽今為襄陽府治湖北通志不載棗陽有柳墓亦無所

謂花山者宋王氏象之輿地紀勝丹陽府卷七有花山
注東山亦名花山元至順鎮江志卷七引潤州類集花
山在州東北今城東有花山寺可證是潤州確有地名
花山者當卽柳墓所在漁洋云在真州仙人掌不知何
據東南紀聞之棗陽則丹陽之誤耳

查

文移中用查字張氏爾岐蒿菴閒話崇禎間文字忌避
頗繁始改用察疑是親王諱考查字羣書中無訓爲稽
察者未知起于何時

准

宋人失名愛日齋叢鈔引干祿字書廣韻注准爲準之俗
體石林燕語野客叢書甕牖閒評項氏家說二老堂雜
誌諸書言宋時用准爲準避蔡京父及寇萊公諱而改
郭忠恕佩觿則謂字林用准爲平準之準始于唐呂忱
考唐石刻中孔宣公碑奉先寺像龕記會善寺戒壇牒
溫彥博碑皆書作准是當時用俗體之證又後漢書樊
準傳唐章懷太子賢注準或作准然漢桐柏廟碑已有
准則大聖之文則不獨唐時爲然也石林燕語謂京師
舊有平準務蔡京爲相改平貨務是當時實有此禁令
朝野無敢不奉行之矣大抵宋以前官府文字間用俗

體愛日齋叢鈔云予見唐書已作准及蔡京為相復借俗體為避諱用

耳宋趙氏升朝野類要卷五宰相擢用仕宦謂之陶鑄者取造化之義而因留相家諱鑄遂易為陶鎔據此

重宋時避朝臣家諱甚重不僅一准字也

俞理初丈正變癸巳存稿謂劉宋時順帝諱準昇明中

避準為准未知本于何書

腰站

查氏慎行得樹樓雜鈔腰頓二字見于宋趙彥衛御寨

行程記即今驛遞之腰站

湖廣省分闈鄉試

雍正元年癸卯御史呂謙恆奏湖南士子赴省試洞庭

險猛宜分設兩闈奉 上諭湖南士子赴湖北鄉試必

經由洞庭湖湖水浩瀚無涯波濤不測六七月間風浪

尤險間有覆溺之患朕心深為惻然或至士子畏避險

遠裹足不前尤非朕廣育人材之意今欲于湖南地方

建立試院每科另簡考官俾士子就近入場永無阻隔

之虞共遂觀光之願 諭下遵行至次年甲辰科補行

癸卯正科鄉試遂分兩闈焉是科湖北考官翰林院侍

熙乙丑科進士工科給事中蔡仕謙恆字天益河南新

舫福建同安縣人癸酉科舉人安縣人忠節公維祺之孫康熙十八年己丑科進士五

十九年庚子科會主湖廣鄉試後以光祿寺卿致仕

滿洲文鄉會試

王文簡公士正分甘餘話滿洲人准鄉會試自順治九年壬辰科始康熙中停止數科後復舊遂行至今然其例先後不同順治中滿人漢人分二榜至康熙九年庚戌科以後合為一榜皆試漢文謹考滿洲人赴文鄉試只順天有額其駐防子弟初無在本省鄉試之例嘉慶十八年奉旨各省駐防官兵子弟准于本省就近考試二十一年丙子科江南浙江湖北福建廣東四川山東山西河南陝甘九省編立旗字號不得過三名取中道光二十三年癸卯科停止各省駐防文鄉試改試繙

繙文

滿洲子弟入學倡於順治辛卯壬辰時范公文程當國初試百四十人入庠其赴科舉初場止二義見查氏慎行人海記此皆國初之制也

具門內繫鈴

宋人失名江南餘載陳雍家置大鈴署其旁曰無錢雇僕

客至請挽之今京師居民往往繫長繩于門楣間而綴鈴于門內復書于門曰某姓拉鈴猶其遺風也

捐館

唐吳達墓志夫人吳氏捐館於里第名豐案捐館二字

本史記蘇秦傳

雪菴書韓文公山石詩

名禮得楷書韓文公山石詩長幀末署至元丙戌秋八

月上弦雪菴

無印文

考雪庵李姓名溥光早年為僧後蓄

髮授官曾刻有萬安茶榜王弇州跋稱其書法道勁略

具顏柳及眉山豫章結法又著雪庵字要一卷錢遵王

曾曾見之著錄於讀書敏求記謂能粹襟勒式傳陳宏

道之教取永字八法變化為二十四法

讀書敏求記又云字要序作於

至大元年菊月望日自署圓悟慈慧禪師資善大夫昭

文館大學士李溥光雪菴張秋塘校云雪菴字元暉大

同人少為頭陀號雪庵和尚大德中詔蓄髮授昭文館

大學士名禮所藏敏求記乃黃蕘圃主事丕烈評校本

張秋塘校語亦蕘圃觀此幀始知弇州之言不誣而字

要所述書法宗旨必詳惜不可得而見也

修補門牙

明陸氏容菽園雜記吏部門前粘壁有修補門牙法梁

氏玉繩譬記云今市肆有補齒一云鑲齒如生蓋宋以

來有之樓攻媿贈種牙陳安上文陳生術妙天下凡齒

之有疾者易之以新纜一舉手使人保終身編貝之美

陸放翁晚歲幽興詩染鬚種齒笑人癡自注近聞有以

補種墮齒為業者

梁氏玉繩督記元姚牧菴浙西廉訪副使潘公澤神道碑凡人鬻人皆畫男女左右食指橫理於券爲信以其疏密判人長短壯少與獄辭同蓋卽今手印而驗法頗異

書賈稱道人

陳思寶刻叢編前序有陳思道人之語張氏金吾愛日精廬藏書志卷七宋刻釋名殘本四卷前目有臨安府陳道人書籍鋪刊行計十一字

戴表元題孫過庭書譜後云往時杭州陳道人

家印書書之疑處率以己意改令諧順殆是書之一厄

是書賈有道人之稱

袁清容論朱陸之學

元袁氏桷清容居士集龔靈松四書朱陸會同序其略曰曩朱文公承絕學之傳其書敘疑非西京於孝經則刊誤焉詩去其敘易異程氏中庸疑於龜山楊氏程楊朱子本以傳授者也審爲門弟子世固未以病文公也陸文安公生同時仕同朝其辨爭者朋友麗澤之益朱陸書牘具在不百餘年異黨之說興深文巧闢爲陸學者不勝其謗淳祐中番陽湯中氏合朱陸之說至其猶子端明文清公漢益闡同之足以補兩家之未備當寶慶紹定間黃公幹爲朱子門人不敢以先人所傳爲別錄黃旣死夸多務廣有語錄焉有語類焉望塵承風相

與刻梓而二家矛盾大行於南北矣

謝皋羽

趙氏翼咳餘叢考嘗怪宋史忠義傳從文天祥勤王者十九人而無謝翱又據宋濂集有翱傳福建長溪人後徙浦城文丞相開府延平署諮事參軍已而別去則未嘗無其人名灋案元袁桷清容居士集師友淵源錄載其名曰謝翱南劍人僧圓志瑞州人俱能古文尚嚴簡氣鬱不自舒困死南劍州宋屬福建路語甚略清容蓋有所諱而然歟圓志當亦宋室遺老毀家為僧者清容以之與皋羽同稱可想見之矣

金黑白號姓

周氏春遠金元姓譜載金黑白號姓金源廣平隴西三郡為白號彭城郡為黑號本於金史百官志又云完顏漢姓譯為王譯為漢姓當日屢詔申禁恐其混於漢也其說無可攷名灋案元姚文公燧牧庵集布色君神道碑金有天下諸部各以居地為姓章廟病其書以華言為文敕有司定著而一之凡百姓金源郡三十有八廣平郡三十皆白書隴西郡二十有八彭城郡十有六皆黑書其等而別者甚嚴布色氏於金源次居五據此隴西入於黑號與百官志異而各姓之次第亦無他書可

以互證布色百官志作僕散為金源郡第五則又與志

相合今譯改布薩

閻氏若璩潛邱劄記邸報二字見唐人詩話韓翃除駕

部郎中事名豐案二字見於史者宋史曹輔傳政和後

帝多微行民間未及知蔡京謝表有輕車小輦七賜臨

幸語自是邸報聞四方汪應辰文定集與李運使書墾

田之議頃於邸報中見之又蘇東坡句坐觀邸報談迂

叟更以之入詩是宋時即承用之矣及觀孫可之集雜

著有讀開元雜報一篇意當時之邸報歟

書手

書手之名始于唐明陶氏宗儀輟耕錄世稱鄉胥為書

手唐臨報應記宗衍應昭經舉元和初至河陰縣因病

廢業為鹽院書手姜氏宸英湛園札記則引唐語林駱

駿度支司書手而不及唐臨報應記殆未見輟耕錄也

太平翁翁

宋趙氏與時賓退錄紹興間禁中呼秦太師曰太平翁

翁見陸放翁詩注

楊倬是唐穆宗時人

新唐書藝文志丙部儒家類楊倬注荀子二十卷注汝

士子大理評事錢氏大昕考異以世系表汝士子有知遠知溫知止汝士傳三人而無倬名為疑汪氏中述學

據古刻叢鈔馬公墓志銘楊倬撰志載會昌四年倬當

為武宗時人郝氏懿行謂此楊倬當別為一人荀子補注附錄

名灋案古刻叢鈔所載結銜朝請大夫使持節汾州諸軍事守汾州刺史楊倬撰

與新志不合又為武宗時其別為一人審矣惟唐會要

有長慶三年大理司直楊倬詳正勅格之語官名相似

當即其人舊書汝士本傳長慶元年為右補闕然則汝

士及倬居官皆在穆宗時也

錠

金史食貨志舊例銀每錠五十兩施氏國朝金源劄記引宣和錄靖康元年

金人需犒軍金百萬錠銀千萬錠每錠各五十兩齊東野語紹興歲幣歲前三日先齋銀百錠字皆作錠

是稱銀曰錠之始至元時乃改用錠字元史禮志末銀三錠鄯陽傳銀

一錠字皆作錠考字書中無訓錠為銀者其字初用作定唐書

呂用之給楊行密曰用之有銀五萬定克城之日用備

麾下一醉之資然字亦不古不如錠字之義尚可通也

說文錠銅鐵樸也此錠字本義遼僧行均龍龕手鑑錠金銀屬則後世訓解而錠字下亦不訓為銀錢氏

大昕養新錄元時行鈔法以一貫為定後移其名於銀

又加金旁說似可信不知唐書中已有書作定者矣

爾雅釋器斲劂謂之定郭注鋤屬陸德明釋文定本作

鏡二字唐時已通用然其義與銀無涉

理寒石

明末理寒石名鬯和河南西華人崇禎壬子舉人本姓李恥與闖賊同易以理講學得白沙姚江之派學者宗之蘇門孫徵君奇逢與西華左令書稱為魯仲連後一人而王阮亭作蘇門三賢即引徵君言為定論當福王在江南時屬烈皇忌日馬士英將游郊垌以遂春風舞雩之樂寒石作書止之馬無以答陳鼎東林列傳言其與賀仲軾友字景瞻獲嘉人亂後航海而死或以為虔州城將陷寒石度不能濟墜死於城下韓程愈所作傳

特奏

宋趙氏升朝野類要文武舉正特奏名皆為及第出身名灋案紹興十八年同年錄附董德元登第詩有故鄉若問登科事便是當年老榜官厲氏鶚宋詩紀事卷四十七引曾氏敏行獨醒雜志廬陵俗詔特奏名謂之老榜

郎中待詔博士

顧氏炎武日知錄卷二十四北人謂醫生為大夫南人謂之郎中鑄工為待詔木工金工石工之屬皆為司務其名起於宋時名灋案宋洪氏邁夷堅志趙珪本土官彥成之隸粗得醫術人稱趙三郎中郎中二字始見於此至

鐻工爲待詔明黃省曾吳風錄張士誠走卒廝養皆授官爵至今呼椎油作麵傭夫爲博士剃工爲待詔以此宋周氏密志雅堂雜鈔今之消息者不知起於何時然藥方千金方自有按摩之術唐時有按摩博士此博士乃官名與今之稱郎中異

李仁父記事法

宋周氏密志雅堂雜鈔昔者李仁父爲長編作大本櫛十枚每櫛作抽替六十枚每替以甲子誌之本年之事有所聞片紙必歸本匣每匣分月日先後次第井然有條可爲法也

明初韻書

明太祖諭詞臣曰韻學起於江左殊失正音有獨用當併爲通用者不可枚舉命翰林侍講學士樂韶鳳等重刊定之勒成一十六卷計七十六韻洪武八年三月奏上名曰洪武正韻宋濂爲之序平聲不分上下一東二支三齊四魚五模六皆七灰八真九寒十刪十一先十二蕭十三爻十四歌十五麻十六遮十七陽十八庚十九尤二十侵二十一覃二十二鹽上聲一董二紙三蒸四語五姥六解七賄八軫九旱十產十一銑十二篠十三巧十四哿十五馬十六者十七養十八梗十九有二

十寢二十一感二十二琰去聲一送二寘三霽四御五
暮六泰七隊八震九翰十諫十一霰十二嘯十三效十
四箇十五禡十六蔗十七漾十八敬十九宥二十沁二
十一勘二十二豔入聲一屋二質三曷四轄五屑六藥
七陌八緝九合十葉凡例謂七音韻平聲本無上下之
分舊韻以平聲字解釐爲二卷蓋因宋景祐間丁度作
集韻始今不從惟以四聲爲正名禮案錢氏曾讀書敏
求記卷一載明初豐城孫吾與韻會定正四卷平聲亦不
分上下別作一公二居三觚四江等二十五韻上聲別
作一礦二矩三古四港等一十五韻去聲別作一貢二

據三回四絳等二十五韻入聲別作一穀二覺三葛四
曼等一十五韻書今不傳觀其分別部居大失唐宋諸
儒之舊好奇立異不可爲訓攷洪武二十三年學士劉
之吾以是書進御上覽而善之更名洪武通韻命刊行
焉見周賓所識小編其時正韻頒行天下已久遵奉者鮮不得
已而用及孫吾與之書則承譌踵謬益甚洪武正韻舛誤甚多四
庫全書提要已詳言之明初韻書之不足取如此

戴簡恪公軼事

戴簡恪公敦元官刑部尙書一日大雪公著兩單手抱
文書步至街衢呼驢車乘之御者不知公爲誰也及至

署隸役呵殿而入公下車去雨罩帽露珊瑚頂御者大驚將棄車而逃公強留與之錢而去都中謂之驢車尙書卒之日鄉人往視之敝衣露肘布衾一襲其儉德爲不可及云

汪尙書軼事

故禮部尙書汪公巽泉守和言動悉遵禮法每食必置菜羹於坐隅以祭先代始爲飲食之人揖然後坐

三十年前見諸先輩賓主相揖舉手必至額及地今此風鄉里間偶一見之曩有一後進見萊陽初公頤園於

廣坐中揖甫及半而止初公荅禮尙未畢也同坐皆斥新進者禮節之疏慙而謝罪焉

藏書求善本

邵君蕙西居京師購書甚富拳拳於板本鈔法名禮與之言曰彭文勤公嘗詆讀書敏求記染骨董家氣我輩讀書當用力於其大者未可蹈此蔽也後閱錢氏曝書雜記引鄭康成戒子書吾家舊貧不爲父母昆弟所容康成大儒不應出此語考元刻後漢書康成本傳無不字與唐史承節所撰鄭公碑合今本作不爲父母昆弟所容乃傳刻之誤此校書之有功於先賢者名禮始悔

前言之陋蓋讀書不多未可輕生訾議耳
 朱子嘗著韓文考異校勘之學宋儒所不廢
 欽定天祿琳琅前後編所錄多宋元舊本收藏家印亦
 附及焉昭文張氏愛日精廬藏書志亦講求板本是近
 時書目中之最佳者名澧嘗見邵蕙西案頭置簡明目
 錄一部所見宋元舊刻本叢書本及單行刻本鈔本手
 記於各書之下可以備他日校勘之資
 王子二月十二日雨中以新得重刻吳元恭本爾雅中
 翁覃溪先生校語徐星伯丈從翁本過錄者手鈔於所著強識錄半
 日而畢偶憶李生甫先生跋盧氏抱經堂所校法言云
 冷淡生活勝於徵歌選舞多矣嘆為至言

癸巳存稿

俞理初丈於先大父為年家子嘉慶年間曾館之於家
 日從事丹鉛不輟所著書曰米鹽錄凡二冊後歸里道
 光元年辛巳舉於鄉屢試禮部不第癸巳春闈王君藻
 分校得其卷異之決為宿學薦而未中撤棘後始知姓
 名因丐丈鄉人得徧觀其著述詫為希有商同人釀金
 將付梓丈亟欲歸因劄劄事留都門數月釐正十有五
 卷題曰癸巳類稿以是書輯成於癸巳年也未定稿為
 三巨冊曰癸巳存稿丙申丈再來都名澧固欲索存稿

錄藏其副弗之靳錄既畢丈取去而以原本歸名澧焉眉端行閒隨時增益者不少其標目較米鹽錄已多至數十倍蓋四十餘年心力所聚可以窺見矣越數年丈歿適張石州爲靈石楊氏編輯叢書石州舊有存稿副本更取名澧所藏校訂字畫刻甫竣未印行石州亦歿今其板片不知流轉何所爲可嘆也

初丈卒成之晚年又爲張芥航河督輯續行水金鑑若理初丈昔爲孫淵如糧儲星衍撰古天文說二十卷又爲問經堂孫氏輯緯書皆未刊行彭文勤公元瑞五代史記補注粗有條例以付劉金門侍郎鳳誥侍郎延理

千卷著述零種爲他人所借梓不可殫述其精核者則於類稿存稿備載之矣

周益公語

宋周益公必大曰大凡文人才士屈首受書未能多閱天下之義理壯則從事四方志有所分及其老也血氣旣衰聰明隨之雖有著述鮮克名家此古今通患也益公此數語實從閱歷得來爲學者不可不知儆懼一知半解囿於聞見但以文人才士互相誇詡而國家之利病民生之休戚漠然無關于其心宦成身老則惟傍宋儒門戶以掩其不學之陋空腹高心可勝慨哉

章實齋語

章實齋進士序葉鶴塗文集曰自雍正至乾隆初年修詩書春秋三禮明史以次告成三通四庫諸館猶未創議一時學者攻習捨舉子業無以干利祿也於是桐城方氏長洲何氏宜興儲氏金壇王氏淳安方氏會稽徐氏六七人者俱以攻四書爲學者宗仰名重一時而山林枯槁鑿靈繕性專門名家以其性情詣力所極亦有卓然不朽之業而攻取之過至日著述文詞謂之雜作通經服古謂之雜學學士非攻四書文藝則不謂之通人蓋亦一時之風尙已二十年來天子右文稽古

館閣搜羅文獻大備登用才俊不以其資通儒碩學磊落繼起可謂極盛矣進取之士承望下風亦斐然若有天祿石渠校讎討論之思而向之方王儲何諸家藝業閒有舉及之者輒鄙棄之爲不足道夫萬物之情各有其至苟有得於意之所謂誠然而不爲世俗毀譽所入則學問文章無今無古皆立言者所不廢也

購書敝肆於故紙籠中得葉觀察橋西雜記稿本因悉心撝剔復得周易異文疏證禮記鄭讀疏證戰國策地名考易僅列異文未有論說禮記疏證至檀弓杜蕢止中有數葉殘損覓不可得地名考

僅七條又徐壽輝韓林兒事輯每冊僅四五條蓋
欲為而未果者記中所云強識錄則未見也觀察
與潘伯寅侍郎交在紀羣閒余言之侍郎侍郎索
雜記稿本去為謀付栞因記其目同治六年九月
會稽趙之謙書

其至者亦不為之... 天漸不果... 雜記稿本去為謀付栞因記其目同治六年九月

又宗顯皇帝特旨召對駸駸將大用矣時先生為軍機
章京總督... 刑部會同文與諸首... 者與故詰問某... 乙某瞳不能答同列... 先生為十不可之議請上之格不

贊豪

潘氏安順堂刻死... 遺集刻成因書其末吳縣潘祖蔭識

僅七條又徐壽輝韓林兒事輯每冊僅四五條蓋

欲為而未果者記中所云強識錄則未見也觀察
贊
在紀羣湖徐之侍郎索
番內安則堂
因謂其自同治六年九月

會稽趙之謙書

邱福先生

道光三十年三月位西先生由先大父文恭公疏薦

文宗顯皇帝特旨召對駸駸將大用矣時先生為軍機

章京陝甘總督某以枉殺番案被逮 詔軍機大臣與

刑部會鞫文與諸章京及諸司同任其事有陰為某地

者多舉細故詰問某抗辨自若先生至出懷中問目詰

之某瞠不能答同列矚眙不知所為由是側目者多矣

粵事起遣重臣視師先生為十不可之議請上之格不

行師果無功自是不見容至河工旋被劾去杭城陷死

之先生死事顛末 國史自有傳其軼事恐世不具知

遺集刻成因書其末吳縣潘祖蔭識

意兼修如因書其末吳繼番脈蘄端

之夫坐取事顯末 國史自百專其輝事恐世不具味

言稍果無也自景不貝容至既工試極校去林姓留天

粵事法豈重亞厥神夫坐為十不口之籍請土之辭不

之某對不指答同派翻胡不映世為由景閱目昔冬矣

昔冬舉縣效詰問某姓幾自昔夫坐至出對中間自詰

既陪會譁文與精章京又請同同其事百劍為某姓

章京刺甘懸督某以珠錄番案極處 晴軍辦大臣與

文宗顯皇帝封旨召提魏魏洲大田矣却夫坐為軍辦

徵光三十年三月廿四日西夫坐由夫大夫文恭公極顯

蕙西先生遺稿

仁和邵懿辰

借伯言過厥肆買書有作

莊生貧如涸轍鱗豈有羣書供獮祭翻新不肯襲糟魄

屬書離辭何詠麗古者私家無竹帛閭塾相傳但經藝

後來著作日紛紛棗木行將塞四裔傳摹甚易得不難

翻使聰明受揜蔽當年制字煩鬼哭更欲燒書起秦帝

就中古册不可無一二菁英擢蕪翳連鑣不厭百回看

洛陽市肆歡遊詣先生皮架盈古香十萬驂騮簡精銳

此皆下駟不足貪識寶波斯偶留憩叨同雅好耽綉素



愧與市人生校計得虞重費囊底羞失每牽懷夢中塵
先生一笑子歸休臥想陶陶結繩世

送戴少司馬南歸二首

五更浙浙鱸江雨青山入夢神先舞一身乞得一家驚
忽把衣冠掛神武妻帑童僕何足計獨遶庭階心口語
諸公自是廊廟人老子歸作湖山主山麋澤鷺野心性
強著金璫無太苦居然漫叟返邱園尙惜朝衫帶塵土
白蘋黃葉滿江風飽飯船窗聽鳴榔不恤人呼老畫師
身入畫中誰畫取滄波綠淼一扁舟臥看秋漁收晚罟
公勿自疑應自許此事今稀良近古青鯨跋浪入重溟

下視萬魚空煦煦金貂玉蟬非性分會不羞慚謂天與
以同自證死不聞謬竊光榮眩兒女如公一占蜚遞又
愛網百重斯以斧豐狐文豹脫災皮建德遨遊孰能阻
旁觀尙覺腰帶適四體乍如生翬羽在呼狂客似知章
免作尙書等懷祖眼看筐篋事紛紛滅沒飛鴻下平楚

寓齋

獨樹穿藤格深蕪翳竹根客來書滿坐雪後月當門市
近心偏遠樓高室易昏不須還潤色樸處似山村

徐氏女南歸

在目似不隔翻愁夢見空團圞此家裏索莫汝途中下

倚新傭僕偏寒欲雪風船窗俯霜水逐照北來鴻

偶憶五首

城橈如腰鼓江鸞似折之人家抱山住小雨濕樓遲峯
斷市橋合竹開津步畝不論紅在樹綠暗也相宜
墓檜經雷劈祠蓮照水開容光能倒塔有鶴不孤梅隄
月穿橋過僧船掛席回香車迎畫舫門入湧金來
濤勢通胥母溪流近若耶春盤雪裏燕雷鼓雨前茶二
月連三月桃花間菜花半山山下水綠浸野人家
直上山顛路仍如市裏行樓臺重木末鐙火滿春聲金
地遊人湊寶蓮泉水清感花何所感詩壁駁苔生

香市喧三月雲巖冷半房石泉分井味山閣得湖光古
寺傳鐘慢比鄰睽藥忙不知松鼠穴舍後樹多長

和文信國公琴

萬里商聲白鴈來鳳山鍾虞變寒灰朱厓惡浪若絃絕
碧血陰房正氣摧市上龍章看昃日海邊鼉憤蹴犇雷
當年一曲漸漸麥蕉雨松風百倍哀

吳門郭季虎以十月十七日壽放翁於今四年矣

朗亭徵詩

放翁豪放人間無紫皇案前餐碧腴八十五年詩萬首
天風吹瀉滿清都不願腰間玉鹿盧九環寶帶青珊瑚

但願琚戈橫鐵馬銜枚雪夜超飛狐成都名花十萬株
眉州玻瓈春百壺醉上凌雲手招月金骨綠髓僊之臞
百年一瞬幽蘭墟麗川亭下芳華徂中二半壁皆不壽
但留團扇家家圖我欲持杯酌太虛朱樓白塔歸來乎
不見荒寒京水道青螺踏雪靖南湖

從朗亭乞冬筍索賦

吳兒食筍如食肉四時環生無絕續春雷出土夏雨肥
秋刷行鞭白於玉未若冬生味奇雋竹木虛心偏實腹
淺雪籬邊鴉嘴攜黃泥裂處貓頭伏重重苞脫錦繡嬰
齷齪尖翹繭角饋我住都門向十載時時夢到篔簹谷

瘦萌苦蘢不入餐影拂窗紗僅名竹誰歎絨粗致燕市
價識倍三苦難醫不禁忍俊聊乞取肯自佳厨分旨蓄
和糝從添黃韭新淪羹恰佐紅蚶熟喧呼釀飲七峯廬
不畏平陽近連屋手牋索我作僧詩恣嚙酣眠諾已宿
似聞飽食大官羊欲遣園蔬歸掌錄相公食筍自名齋
玉板禪參蘇玉局果令仙藥化渭川容叩公門再三瀆
但恐琅玕咒不成仍望南天齋急足不如同日解青衫
去看家山萬竿綠

寄姚石甫先生三十韻

歸來兩鬢絲一劍撥年衰作客因交厚封侯信數奇東

槎泛龍伯西驛抵烏斯漲海昔多警樓船能出奇一丸
憑島峙四戰固藩籬直擬苴茅賞翻遭蕝苴疑孟舒就
鉗欽吳起泣漣洏已分窮邊棄仍邀特達知豐碑沉峴
首皂蓋下峨眉雲閣方虛伋轅門不詭隨心陵長史貴
論戒釋之卑虎落埋奴誓犍爲捧檄馳崎嶇荒徼外潦
倒暮年時五餌朝方用三明世不思幡然還白下渾欲
老鳩茲入幕材非屈迎門篲早持蘭陵三祭酒卽墨一
神師餘緒分籌筆旁觀看奕棋河漕調衆帥瘡札輯遺
黎要使扶元氣非專濟度支理財劉晏策論事馬周辭
上客談風月羣賢接履綦都官同乞罷故里適相期白
一授學錄升助教癸丑告歸改教職選遂安教諭未上
丁父憂洊丁母憂入貲以知府候選謁故督師勝保于
皖不得當歸而浙江巡撫王壯愨有齡檄治文案時軍
事急餉不繼浙西嘉湖諸郡已盡陷餉獨恃甯紹壯愨
先與將軍瑞昌公劾罷團練大臣邵文靖燦以王副都
履謙柔愿易制特薦之佐團練專司截餉以濟軍而截
人已疲甚副都不能爲截紳之爲副都效奔歪者類貪
污多飽私橐壯愨婁檄餉不如額遂積與副都閩副都
劾壯愨侵官擅威福君旣爲壯愨所委任又與副都故
交銳意解紛以爲餉可籌而民不病乃返截以巡撫檄

行事戡諸紳大怒激副都出疏劾君及浙吏三人以爲
巡撫爪牙壯愍亦疏劾紳四人爲副都黨相持朝
廷下其事于學政張文貞公錫庚而桐廬知縣倪某復
訐君索賄冒功事于副都副都露移巡撫壯愍遂并疏
劾君請褫職按治復下其事于學政及將軍讞未定而
紹興陷杭州亦破巡撫學政將軍皆死節副都竟逸去
論者謂浙事之壞由紳撫之交訐餉事其樞紐也而君
之疏節闊目授人抵巇志用不遂卒至對簿亦可悲矣
君自賊中間關至被迎其帑至甯波至上海遂入廣東
客肇慶知府龍川知縣幕者各一年所至鉏鋤乃挈家

浮海歸前事得白復原官君遂入於潛賃田數十頃大
治佃于山中而病作歸遂劇以丙寅十月卒年四十有
二君素無鄉里名見俗士輒瞠不言或示君以所作君
笑而印視屋故爲謬語以故益無知君者比入京師名
乃大起歸而與予交益治經史務爲本原之學歲丙辰
予館君家傅節子以禮者居亦相近三人皆嗜書日出
闕市以所得奇祕相角勝或互讐戡有所捫獲相告則
喜躍大叫賓客僕隸見者無不矚眙以爲狂聞與君爲
詩詞分題刻燭君務錢鏐隱僻幾至腐穎每一篇出千
鍛百鍊必于奇麗蓋其天性也君素喜經疏小學爲楷

書精絕而結體必依說文娶于高生子一星華予門下
士也未冠補諸生好經學詩文有父風三子者陳子最
和厚無忤于人雖甚不肖者未嘗有惡言加之孫子動
與俗違仇怨日積王子稍溫默而不可一世之概則較
孫子尤甚焉孫子長予四歲予長王子二歲而與陳子
同歲生皆積瘁早瘵有憂生之嗟每相聚宴語日薄西
崦攬浮雲數落葉慨然念歲月之易盡懼修名之不
大王子之歿于京師也予與陳子同視斂泫然流涕以
爲旣痛逝者行自念也乙丑予歸至杭孫子亦自粵還
須麤麤矣語予曰著書未成而老已至柰何陳子抵予

子侍立花繡褫傳詩滿東瀛搖毫珠璣噴有弟方乘輶
桂海滋蘭畹金昆復館職如珥照塵盆嗟時不說學紫
清跡頗恩揆摛振凡庸趨走守古鈍上惟君子使下無
朋友怨勉率樹英聲勿爲麒麟楨

次韻芝房見柬

年來騎省鬢彫疏寂寂閒花笑獨居春夢莊周迷蛺蝶
秋風張翰憶鱸魚煙波北渚愁懷裏塵土東華散直初
解向長安吟落葉聊衝赤尹緩歸驢

次韻芝房借性農見訪

獵獵西風吹葛巾行吟誰識鳳池身
鑿窗促坐成新詠

月地聯遊得故人斷酒年來呼惡客讀書夜分聒旁鄰
懷中磊落刊修筆不屑蟲魚注李巡

過黃子壽適暎書畫滿壁賦呈賢尊考功

古人之心不可尋颯然秋風一室深還留古人精爽在
鸞飄鳳泊紛來臨君家丈人愛書畫料簡不使蟲埃侵
中庭暴畏風日損懸之素壁高堂陰海王村中走僕僕
君從而後遊書林各投所好望門入此時父子忽異心
米老蒐奇有古癖王充入市惟書淫歸來堆疊滿篋几
論價不惜酬兼金俸錢到手便傾付清茶展對喜溢襟
君之蓄書求有字紙板不辨古與今未若丈人精品目

繚素甲乙排森森朱繇鐵石不遺恩九原喚起欣知音
夜闌直恐虹貫月四邊金薤垂琅琳臥游倘欲衆山響
中坐一鼓龍脣琴

喜聞少鶴病已

君在窮途慶更生丈夫未死要崢嶸膝攀市上還談相
足斷車中尙用兵况復走同黃犢健何須歸踐白鷗盟
便應西向長安道春水江船盡室行

翰臣書來道粵西土賊甚劇

嶺外何時換祝良探丸赤白太披猖賊如原燎嗟難撲
官似池魚恐見殃決瘡潰癰如緩緩帶牛佩犢轉穰穰

安溪故事君宜勉一展龍馭掃陸梁

孫芝房蒼筤谷圖

君胡繫思蒼筤谷君今身寄金馬門得時雷動不遑息
九華殿上重蒙恩五溪歸來納使節殺青掌錄勞朝昏
湖南接天暗篁竹萬古草綠瀟湘潮君非其時歸豈得
中谷漫指桃花源青鞋黃帽野人具白雲翠篠山凹村
君曰童時所游釣側耳清夜聞啼猿出山幾何神弗王
有如澤雉投籠樊昨者西風動衫袖夢到茅屋蒼厓根
長鏡凌虛刷僊藥短紙曲折開秋原玉堂不見郭熙畫
時復對此蘇心魂

中秋夜有懷言翁

常月月有圓舉俗愛此日兒童未夕譁清光盼東溘家
家羅酒飯合坐同親暱羣喧默懷思所思古之逸相從
過陋巷十載會真率茵馮具宜稱可意書滿室論文向
鐙窗一笑萬慮失經年別未久秋戶又鳴蟀江都著書
地側想富文筆佳節誰與歡步月爲誰出曩歲留詩約
遊蹤果合一料得桃花庵不眠對吳質

答董思陶

鬱抱閒愁不自寬獨攜詩卷別長安空陳曼倩三千牘
莫累宜僚十二丸白雪歌成聽愈寡黃金費盡說仍難

大江東出縱陽渡何處磯頭着釣竿

答戴存莊

君住桐鄉最北鄉偶來書劍謁天閭飄飄詞賦名原大
落落交游意轉長慙逐狗屠飲燕市終期龍臥起南陽
歌豐自得湖陰樂我獨離憂仰屋梁

宣宗成皇帝挽詩四章

數做堯年水頻瞻禹貌驚憂民天有淚柔遠虜還啼遺
詔悲黃紙深宮想弋綈昆池連御宿目斷草萋萋
大度包無外卑梁隙早忘息人關欲閉屈已贖偏長扼
腕思頗收秋毫愚孔桑焦勞貽帝坐十載話淒涼

玉几傳真冷金甌付太平彌留仍被冤備豫早書楹水
鏡君心勗郊宮禮意精非徒揚末命萬世慮先成
鳳紀周纒半龍輻去不回干官苴杖位萬國紙錢灰勝
水還悲慕空山自往來松風驅石馬泣對羨門開

碧雲寺

連峯浩奔駛登高見如環佛寺初不見窈窕藏隈灣入
門忽金碧百尺飛孱顏穹梁跨陰壑涌殿開中巒螺旋
上塏頂俯視心骨寒吾徒樂一眺始作財力殫想當伐
石時萬杵殷千山淨虛屈雄鷲化人豈求安崇基有阨
毀成虧諒不難惟有太古水盤洞出人間

臥佛寺

近山泉石佳臥佛益峻清古佛倦對客高枕流水聲方
池窈深黑墜瀑鏘然鳴草樹掩壁色繞林虛風生宴坐
入水氣下有飛泉行山空聞遠樵微響激雷輶長廊穿
洞達午貫何縱橫庭前娑羅樹柯葉交青瑩上無凡禽
棲下無惡草萌徑欲餌其實使我煩疴平

香山五絕句

六年西園住始闕西山路驅車指白雲忽到雲深處
路出甕山背緣路青山長溪旁多浣女水流松花香
林開秋原曠時時肆伏飛尙想先朝事碣樓矗翠微

引泉過僧廚石龍口吐水水流出山去活活聲在耳
樓觀隱茸茸霜林一半紅離宮三十六深鎖夕陽中

潘季玉養閒堂

人生識字始憂患躑躅吞聲行路難蝴蝶夢中身栩栩
芙蓉鏡裏面團團短長世或憐鳧脛得喪吾何戀鼠肝
忽解天弢遊物表兩間何處不清安
螟蛉果羸亦能豪莫向比鄰歎不遭任遣瘦羊呼博士
久將肥馬謝兒曹階前流水令心遠戶外秋山與骨高
羸得蕭閒堂裏坐笑看人海莽勞勞

孫琴西海客受經圖

天將六籍潤蠻荒照海雲霞一葦杭萬國冠裳陪胄子
三山職貢恪今王同文象譯心能領修摯珍肥手自將
傳讀君家赤城賦迴看旭彩滿搏桑

題邊袖石詩本

寒鐙坐窗把卷疑疑君直作古人詩白雲在天月在手
超遙千里龍駒馳十年客旅燕南垂醉墨灑壁鴻淋漓
憂時涕淚飲入腹茫茫春色登樓悲只今身到蓬山上
猶似饑驅洛水時神仙中人不易爲玉山無禾鳳長饑
燕頤終須飛食肉莫羨紛紛昨暮兒

彭餓夫墓

人生百年甘蔗渣鐘鼓饌玉風中花條侯主父要同盡
首陽清風生蕨芽慙依故人共脫粟伯夷所樹天所祿
仁者之粟不可常我獨何爲害口腹嘯臺激嘯高雲天
神遊清都飽紫烟行人空挾一車飯下馬孤墳二百年

仙跡

仙跡爪沙處處留子公招入帝城遊怪迂欲擬文成將
囊橐多緣武定侯堪笑馬醫原淺術居然牛腹有奸謀
漢庭刀筆何曾重只畏雕鷹在廩秋

草野

草野常懷夢日心拂衣歸去轉沉吟掃門魏勃來何事

伏闕哀章去莫尋一角神羊原突兀九關猛虎失陰森
他年青史論功狀不信登天有翰音

贈前制府周敬修先生

堂上磔人如磔鼠穎川大姓粟在股威名萬里邗都鷹
拱手對賓色啍啍盡尸潔惡作屠伯不侮孤惇稱衆父
令淵徙鱷江渡虎墨吏望風自引去只今行年七十六
白髯飄蕭瞳正綠召來金殿伏青蒲愛國有懷傾不足
上書慷慨策平邊一心推服林公賢天其福我厭此虜
不見瑞麥在野雷誅祿祿嗚呼安得公及林公守圻甸方
州得人士選練折衝六合有精神坐困鱷鯢可無戰

次韻吳清如留別二首

不聽寒山寺裏鐘陸沈金馬十年慵曾吟蜀棧王貽止
還唱吳歛梁伯龍七子詩才餘綺麗一尊話別慙從容
紫微坐惜君房去山色何如歸意濃

江南草色綠脈脈白首來歸意恍然載筆含香猶昨夢
看花縱酒憶當年秋風嫋嫋思何極暮雨瀟瀟曲可憐
曾是執珪吟未已輸君先上五湖船

吳補之學士與清如同日乞假仍次前韻志別

不分清霜應九鍾掛冠同日託衰慵已聞溝唱東西水
莫化雲追上下龍季子由來能讓爵長公本自不求容

匡廬瀑布靈巖桂一樣秋光到眼濃
九疑幽恨遠聯綿大樹風飄亦偶然紫極况逢明目日
緋衫未到乞骸年思田賦就知難住相和歌成倍可憐
不使貪泉留夢寐一江明月兩歸船

位西員外詩二十二篇道光己酉手書以詒方君勉甫
者咸豐戊午予直書房居澁懷園勉甫以相示予爲題
詩其後忽忽遂十年矣始道光廿一二年予初至京師
位西與予舅氏項凡山先生皆以博聞好古相愛故予
知位西最早然方以從事科舉未敢親位西及道光之
季予與王定甫戴存莊輩稍稍爲古文辭時一見位西
然終不敢以所作眎位西而位西頗知予其賀予入翰
林詩極良友鐫切之意蓋相愛甚至也位西初以中書
直軍機處歷刑部員外郎深識偉論往往驚其儕輩會
朝廷出上相經畧廣西位西決其不可語尤駭人

大臣某尤惡之會河工需人卽以位西名上位西得東河位西母老遂奉以如工所已而粵賊渡河北犯遂言位西守不力鐫二級罷去位西飄然歸矣咸豐己未予由安慶引疾歸位西在杭州未能一相見明年杭州陷位西遂及於難位西自重守古誼固宜與流俗不相中而天之厄之顧亦如是哉今年春予重至京師見勉甫問位西詩勉甫復出此冊予至不忍視雖然位西雖遭寇亂死然竟能以名節自完可傳於後世而當時所謂大臣擠位西以至於死者今亦安在哉嗚呼此不足爲位西憾矣獨以予之無似承位西之相愛而無所樹立猶多有愧於位西之言此可嘆也戊辰七月十八夜半書於雙樹齋瑞安孫衣言

此冊凡詩三十有四篇位西自書以詒沈尙書者今亦爲勉甫所藏位西旣歿賊中其平生所爲文字遺稿皆不得出亂後其友今相國湘鄉曾公張君鼎高君均儒蒐索萬方僅得十之一二今可見者儀禮通論上卷古文三十餘篇吳仲宣制府刻之淮安其讀書日記所謂枕行錄者丁君丙刻之杭州而予所見尙書大意遂不可得詩則僅見此二冊及別紙草稿三十三篇頃聞朱修伯學士云亦嘗得其詩一冊有詩十餘篇又勉甫言

其友人處亦尙有詩十餘篇大約百餘篇而已予於位西所著書最敬其說禮之精博而詩古文之雅潔超遠自梅先生伯言孫侍讀鼎臣外未見其比天既不能使竟其學而其書又幾於無傳此可悲也古之文人如歐楊永叔王介甫皆極遭遇之盛韓退之柳子厚李習之歸熙甫之徒雖坎軻抑塞未盡其用而文字之可垂於後者固具在也而位西所遇如此然則士之抱道績學欲託文字以自存亦必視乎其世哉

別紙七言律三十首蓋位西感事之作其二云紫虛道人邯鄲題壁者寓言也又一紙七言古詩三首有伯言先生湘鄉相國評隲語皆手書相國論詩之謹於此可見而前輩友朋之相愛好主於直諒規切而不苟於諛亦殊非後人所及矣予既得位西遺詩欲爲刻之而未暇一日以語潘侍郎伯寅慨然任之因各書數語以歸勉甫俾爲別寫副本致之伯寅位西詩或不至遂無傳矣同治戊辰七月十九日孫衣言書
余曩在都下與位西過從最密自咸豐二年出京位西於五年訪余於南康軍中十年訪余祁門軍中相處旬日或月餘輒復別去厥後位西徇難杭州妻子轉徙江海余聞而迎致之安慶患難相依越六七年每懷位西

容綴求其逸文遺墨邈不可得頃來輦下勉甫世兄出示此冊感愴不能自己憶余與位西翦鐙談藝時杭人如戴文節公及勉甫之尊人少穆侍御往往歡聚終朝不忍別去今三君久歸道山余之衰老可知世事千變又不足深論已同治己巳正月曾國藩識

道光辛丑春特試士之赴禮部者爲中書舍人邵員外位西哀然首選旋直樞禁時海宇承平位西退食之暇與唐鏡海梅伯言諸老宿以文章道義相往來一時推博雅君子者必及位西咸豐紀元之初 詔求人才潘文恭公以位西與林文忠姚石甫並薦嗣粵寇擾及東

南求才益亟其時位西已移疾家居胡文忠曾滌生相國諸公復交章論薦有 旨召用矣位西因母老不出已而杭城再陷遂及於難其平生著述悉歸炬燼滌生相國於朋舊中最重位西求其遺墨甚切此二詩冊爲勉甫世講所藏滌公旣索而題之今復示余勉甫尙有位西自書題壁七律三十首並古詩三篇裝一長卷余曾爲題卷簽卽孫琴西跋所云著錄別紙者以呈滌相忽失去此可惜矣勉甫尊人少牧侍御與余同通朝籍先與位西同舉於鄉勉甫與其弟壽甫農部後先爲中書舍人壽甫又將入樞直然則勉甫兄弟之與位西蓋

非獨鄉里年家之誼兼有同官前哲之思焉宜其珍護
遺編而不能已也爰書此歸之同治己巳五月順德羅
惇衍識

張文節公

齋集

同治三年甲子 湧喜齋開雕

鳳皇山房見喜齋閑賦

卷之二

張文節公遺集二卷錢塘張君洵之所撰也君與家君

為庚子同年友息王子又與蔭同成進士入翰林蔭既

蒙 恩入直 南齋君亦被 命直 上書房同寓澄

懷園中蓋無日不相見己未庚申閒蔭先居近光樓後

居蓮葉西齋君居綠兼房水木明瑟 賜廬相望每退

直君輒就蔭談論或攷覈經史攜具置酒流連日夕君

飲僅勝杯勺而溫克有度又善詠分題授簡頃刻而

成時海內多故蔭年少氣盛方銳意言事君老謀渙識

天性忠愛憂憤所感每至泣下乃未幾而粵賊窺浙警

報踵至君太夫人在堂醫指碎心陳情乞假 先帝聽

許 慰諭殷拳君重繭星奔未至而杭州陷君配施先
命其子惇典等奉太夫人走避而自偕次子敘典女喜
姑投水以死比君抵里賊已走君遂奉母居仁和之永
泰鎮明年辛酉九月賊復竄浙君已丁太夫人憂自以
身備近臣受 恩至重思有所爲以報 上知乃率其
家入城與諸大吏共城守時賊已合圍江路斷絕君告
諸帥亟合駐防兵衝圍奪江以通東西浙之路俾得爲
聲援而賊有兼顧憂餉可濟策不行而圍益急糧絕君
誓死報 國與城同碎十一月城陷君衣冠北向敏頭
賦絕命詞三章偕其繼配勞及子惇典從典念典俱投

井死嗚呼君以詞臣里居無城社之責宜可以無死而
桑梓敬恭忼慨蹈義以斬焉縲絰之身從事隳原闔門
同殉蓋忠孝奮迅迫於自效有不得不出於一死以增
儒臣之重而酬 顧問之知者然則騎箕尾以攀 龍
髯雲車風馬消搖天上君亦可以無恨而嗣續泯然骸
骨無別羽林之孤莫錄爪髮之歸何期此則朝野之所
同悼而如蔭之交在紀羣肺附相託者又烏能不盡然
傷也君歿之後故閣學許仁山師疏聞得 旨優卹君
門人孫子授侍講復援故事請謚及祠於得 報可易
名文節 詔命頻仍恩榮兼備侍講復搜集其詩二百

餘首蔭爲之審定且屬李悉伯農部選擇其十之六七
校付之梓君名節照代固不假此以傳而念昔年直廬
唱和淋漓篇什今已盡爲劫灰摩娑此編爲之腹痛亦
欲傳示後人以見風雨如晦雞鳴不已知人論世可得
其仿佛也同治十一年三月吳潘祖蔭

張文節公遺集卷一

錢塘張洵著

重九日鳳凰山登高

嵐氣鬱崔巍峰頭策杖來秋風吹客帽落日下荒臺濁
酒難成醉黃花到處開蒼茫無限感欲去重徘徊

題友人秋風出塞圖

雕盤大野草連天黯黯黃沙接暮煙秋色玉關來萬里
西風鐵騎動三邊城頭筆策催歸夢酒畔琵琶慘別筵
爲問從軍班令史可能濡筆勒燕然

西溪道中

亂峯堆裏水潺潺多少幽棲占此間落葉有聲敲破寺
斷雲無力住空山生涯最是漁家樂塵市何如野老閒
更喜今年杭稻足柴門日夕不須關

宿西溪蔣氏留溪山莊二首

繞屋新栽萬樹梅紙窗竹閣儘徘徊山中一雨溪流急
夜半泉聲入夢來

山徑樵歌出林杪夕陽簞笠聚茅亭白雲去盡天一色

七十二峰相對青

莊有七十
二賢峰樓

自靈隱至韜光庵

一徑夾寒翠綠山接邇迤側耳鳴幽泉尋之在竹裏振

衣陟山頂虛亭豁遠視遙攬江海光萬象合雲水近俯
明聖湖煙樹小於薺吳山影空濛城郭略可指纖鬢鬱
雙峰遠勢接千里對此塵慮捐憑眺不能已薄暮返蘭
若天風磬聲起

冷泉亭夜坐

靜裏泉聲落翠微滿山松月影依稀老僧相對淡無語
一片冷雲飛上衣

早梅

三百梅花手自栽一枝得氣最先開峭風吹樹鶴初醒
深雪滿山人未來幾處園林猶冷落誰家亭院獨徘徊

生平標格高寒甚肯待唐宮羯鼓催

春秋宮詞四首

驪宮夜半月盈階紅袖無聲卸玉釵欲語背燈還不語
淚珠零落滿君懷

輕舸盪破碧鱗鱗歡喜無端變怒嗔萬柄蓮花舟一箇
風流輸與苧蘿人

繡幃寂寞兩占熊愁抱琵琶住楚宮一點芳心向誰說
桃花無語自東風

醉中一別幾斜暉月冷風淒獨掩幃聞說郎君今得意
秦宮新逆美人歸

書漢高祖本紀後

一劍定三秦風雲帝業新白蛇容易斬雌雉竟難馴
產祿潛基禍韓彭早殺身楚歌復楚舞老去淚沾巾

孤山放鶴歌

千樹萬樹梅花開空山老鶴蹁躚來一聲清唳瞥不見
落花點點飛蒼苔西湖處士有癖好獨邀羽客相追陪
養成健翮試高舉令威豈是樊籠材縞衣翻風吹瑟瑟
孤影昂藏作人立初看矯步出花徐繼奮修翎攫雲疾
烟霄作勢幾回旋杳杳青冥望何極我聞海上蓬萊宮
隔越塵世不可通何當跨鶴徑飛去飄然萬里乘長風

大呼洪崖生追逐浮邱公手携綠玉杖身扶菱髻童游
徧瀛洲與方丈再排閭闔凌蒼穹直待九天一一都歷
盡然後翻身戢翼嘯傲深山中從來仙姿異凡族肯伍
雞羣娛俗目支公鍛羽徒自憐衛國乘軒詎堪畜獨有
幽人物外天元裳縞袂同翩翩湖山一角月初上歸來
獨抱寒香眠

閨怨四首和陸樵雲

點點玉漏催翦翦輕風歇深院寂無人門掩梨花月
手携輕羅扇悄立花深處小婢不知愁笑撲流螢去
獨坐怯宵涼懶把鴛機弄五更雨打蕉驚破離人夢
無語倚薰籠夜長眠不得簾外北風吹燈花作寒色

夏日卽景

梅黃忽斷雨如絲正是炎風乍熱時庭下疎簾人寂寂
榻欹高枕夢遲遲地鑪茶熟紅鸚喚水國蓮開白鷺知
何處晚來堪小立暮蟬聲在最高枝

秋扇

忽驚涼意逗簾櫳一夕秋心滿漢宮不是無情便拋棄
留藏篋裏待春風

大觀臺

高臺俯瞰大江秋人立危峰最上頭白浪未消胥種恨

引之曾公遺集卷一
四
青山曾作帝王州萬家煙火巖城地千里風帆估客舟
東望海門何處所斷雲斜日兩悠悠

書感二首

滄溟東望沒蓬萊坐遣鯨鯢跋浪開四海正逢全盛日
六韜誰是出羣材談兵趙括生猶灰掠地孫恩去復來
定有長城堪保障幾人冠劍上雲臺
威行萬里靖烽煙韓范勲名震九邊一自金牌來北闕
頓教銅柱折南天奇兵盡撒重洋戍和議翻摻九府錢
此日五羊城郭外颶風鱷浪總腥羶

朱芸甫家塘棲豐田村去市三里柴門臨水桑麻

滿前其南則超山也今秋芸甫還家邀余同往
作詩四首

煙蒲杳杳水潺潺此去林巒約共攀忽聽舟人遙指點
黛痕一抹是超山
幾家茅屋接縱橫半掩柴扉夕照晴流水小橋人不見
稻花香裏讀書聲
花滿閒階書滿庭小齋恰對遠山青老農日暮攜鋤至
說與幽風一卷聽
桑田轉過板橋西綠樹陰陰入望迷聞說春歸時最好
枇杷萬顆壓枝低

登超山

山勢入蒼茫鐘聲冷夕陽路盤青嶂曲人坐白雲涼松
色寒林暝梅花古寺香危樓一憑眺江水認錢塘

古墓行

山頭華表穿雲出山腰危磴盤雲入松楸夾路不見天
翁仲無言傍林立狐狸躑躅荒鴟啼木客低吟山鬼飢
却憶當年送葬日素車百輛馱羣姬寒食而今誰祭祀
紈袴兒孫那可恃野風驀地捲樹飛吹過鄰家一陌紙

新年

海波今已息長鯨依舊鄉閭慶太平難得天公遂人意

月華燈影一齊明

踏青曲

去年踏青郎同行今年踏青郎遠征望斷青青人不見
惟見青山天際橫

西溪晚歸

落日青山外行行村路長漁歌起遠浦樵擔趁歸航徑
黑犬聲惡水清蛙語忙誰家門未掩燈火出林塘

夏日雜詩四首

闌珊花事剩餘春亭院陰添眾綠新禿筆一枝書萬卷
箇中留得苦吟身

騎陽當午竟如焚萬里青天無片雲水榭風廊猶苦熱
有人隴上正耕耘
碧天雨過挂長虹樓上斜陽照晚紅隨意蕉衫披一領
倚闌消受綠槐風
晚來移榻坐空庭細數銀河幾點星忙殺深閨小兒女
爭來花下捉流螢

讀漢書六首

三代得天下積德與天比漢高酒色徒一劍乃崛起秦
法苛不堪楚氛惡如此天意難求全姑屬此公耳盛王
不復作遷流曷能止掩卷三太息世變從此始

富貴更何求所求惟神仙神仙不可得巫蠱埋宮前貪
生乃畏死一念相牽纏紛紛治詛說將以希延年蓬萊
渺何處白骨撐青天

霍光廢昌邑終竟赤其族匪關懾芒刺實自取顛覆伊
尹訓太甲桐宮位旋復未聞爲人臣肆然將君逐天地
苟無愧撫心何穀棘驚魂尙病悸陰謀復肆毒尙醫寢
不治陰妻陷大戮司馬免小冠一家都入獄想見二百
人呼冤地下哭

我讀循吏傳平平無他奇治績不可尋澹若春風吹桑
者自閑閑耕者自熙熙官來各相安官去常相思致此

道何由其惟德化之

能吏與酷吏相去僅一間智勇稍自矜苛嚴遂習慣漢
初民氣樸吏治匪難辦蒼鷹忽奮擊按劍四顧盼風尚
一以開惻刻積成患豪強雖讐服元氣半鋤鏟寄語幹
濟臣前車可爲鑑

古來奸雄姿必具英桀氣咄彼安漢公稱雄實有媿瑣
屑拘陰陽曹騰說符瑞幸藉父兄資遂竊天廟器當時
若有人殺之如鼠豕惜哉孔光輩庸庸但保位

答勞庸甫

朔風捲地逼歲寒饑烏瑟縮嗥林端短衣孤劍出門去

側身北望雲漫漫琴書檢點復何有范叔綈袍窘露肘
囊中剩有詩百篇廚下曾無米一斗故人贈我金錯刀
脫手頓令酸儒豪北堂熙熙飫甘旨感激此誼青雲高
君家黃鶴峰前住却送征帆從此去客程渺渺水連天
夢魂只在塘樓樹

正月十三日赴都紀別三首

春風故鄉好游子忽治裝家食豈不願無以娛高堂七
年困寒蠶菽水愁空囊微名倘寸進祿養或可償寂寂
守株待曷慰親心望毛義笑捧檄此意殊難忘

我生廿八年未嘗離母側日暮偶未歸母心已惻惻今

茲忽遠遊旋歸匪旦夕母心豈不傷老淚暗中拭恐兒
阻壯懷語兒無我憶慮兒多內顧代兒豫籌策兒身善
自保兒心無過感兒跪聽母言母心兒已悉母淚忍不
流兒淚已沾臆

寒門苦衰薄熒熒鮮壘簾嚴親既見背隻手門庭持一
朝攬衣去百事更倚誰病妻勉出房送我披庭幃慰藉
語唧唧有淚不敢垂滫瀡力自任婦道曷敢虧君心未
能盡君意或無違感此話纏綿欲行且遲回僕夫前致
詞親朋送將歸會當慷慨去不覺心暗悲出門見明月
團圓揚清輝

薄暮登舟出北關泊

片帆開處卽天涯關樹青蒼入暮鴉送客最憐初作客
離家未遠已思家一湖煙水征人棹二月春風故里花
忽忽津頭船又泊白雲回望夕陽斜

元夕渡鶯脰湖

水氣滿湖白蒼茫雲影開長風吹客去圓月上天來道
路逢佳節篷窗醉客杯黃昏泊舟處鐙火認樓臺

山塘

山塘七里漲春痕香徑蘼蕪帶客魂何處琵琶聲忽起
桃花門巷月黃昏

阻風秦郵

一雨破清夢曉起北風勁舟行阻回瀾篙師與之競昨
從江上來波光淡明鏡行行入秦郵陡轉風力硬篷背
雲氣昏舵樓艣聲定繫纜傍沙灘臥俟來朝信此時欲
更前尺退乃寸進但見南來舟風飽一帆正

舟次淮上

浩蕩淮流黯夕曛酒家漁市聚前津蛟龍逼處民難避
鹽筴豐饒地不貧烟景已銷南國夢風沙漸近北方春
帶刀入市休相笑多少英雄跨下人

渡黃河

昨日次淮上今日渡黃河河水何湯湯擊楫聞悲歌黃
塵澹白日朔風捲洪波客子衝寒來撲面驚沙多民廬
聚釜底屋脊鳥鷺過隄防苟不慎瓠子喚奈何嗟彼隄
上氓補屋猶牽蘿去去不敢息白浪鳴蛟鼉

車行雜詩四首

南人慣使船北人慣使馬老髯昂藏來一鞭手自把馬
意善隨人羣集車轅下鞭絲忽一颺征塵起四野馳驅
上金臺孰是空羣者

大車行獨漉小車行郎當車中載行篋車上鋪行裝兩
驂舞於前兩僕坐於旁餽囊何纍纍羅列挂兩行我身

臥其中蜷伏如蠶僵有時擁被坐目向前途望地勢忽
高下天容爲低昂生世歎勞薪浩歌懷故鄉
我性狎波濤出門畏行陸渴來齊魯閒千里走僕僕曉
起先雞鳴暮止先鳥宿夢魂時搖搖常若轉輪轂顛風
打破窗昏燈黯茅屋恰憶山居時飽飯夜坦腹
窈窕誰家子紛紛倚門笑征夫未卸鞍琵琶已成調桑
麻今徧野饑耕無人到都學邯鄲倡歌舞矜纖妙鄒魯
秉禮義今乃異風教

在平題壁

桐城驛過又斜陽茅店喧喧客解裝一夜箏琶忙不丁

更誰閒弔馬賓王

夜發宿莊驛

西風峭逼徹裘寒耿耿星河夜未闌聞說來朝程較遠
強扶殘夢上征鞍

宿趙北口

十二橋邊畫不如綠楊村店晚停車無端振觸西湖夢
門外聲聲喚賣魚

由清江而北行千六百里逆旅主人
鮮有以魚供客者至趙北口乃得魚

出都

又駕征車出帝鄉黃塵漠漠馬蹏忙山村老叟閒無事
倚杖柴門看夕陽

引文卷一
三
秋風

金井蕭蕭桐影斜，忽催涼意到窗紗。
寒衣遠道憐征戍，團扇深宮感歲華。
有力掃殘三伏暑，無情吹老一年花。
江南此日尊鱸好，憑藉輕帆送到家。

寄懷陳雲嗣表兄

秋風秋雨倚闌干，自別杭州夢到難。
多謝珍珠數行字，天涯時與報平安。
家信皆君代書

侯城晚眺

散步出城郭，臨河思渺然。
朔風荒野勁，明月異鄉圓。
鴻雁遲歸信，雲山隔故關。
滔滔望流水，飛艦正南還。
時漕艘南

下帆橋如織

南旋

離家今二載，客夢屢南飛。
忽忽思鄉切，蕭蕭信馬歸。
青衫仍故我，白首老慈幃。
歷碌燕南道，征塵起夕暉。

河閒道中

斑斑車向河閒去，驛路鈴聲又夕陽。
酒市數錢工姪女，墓門殘碣弔賢王。
詩情尚挾燕歌壯，水道難尋禹跡荒。
迢遞江南數千里，白雲遮斷樹蒼蒼。

東阿項王墓

地下鬱餘怒，山風起颯然。
英雄真蓋世，成敗總由天。
漢

室今何在楚歌悲可憐
虞兮魂不死芳草又芊芊

清江浦登舟

帆檣矗眼底已到清江浦
塵夢豁然醒煙波數聲鷓登
舟卸客裝蓬勃京華土汲水滌徐徐如早仁逢雨榜人
半吳儂到耳覺鄉語舵樓供晚餐杯盤殊楚楚頻年走
燕齊市兒氣如虎到此頓改觀春風澹和煦今宵儘熟
眠月落忘津鼓

夜泊北關

夜泊北關外河干落月斜
到家止二里猶似隔天涯

到家

一夜不能寐坐待東方明
嚴關忽已啟急艣忙催行倚
篷見鄉樹欣然如我迎蓬門猶未開屋角朝陽晴鄰叟
扶杖出相見恍若驚小立話寒暄籬犬吠人聲犬吠聲
正躡蓬門豁然啟奚奴見我笑主人歸來矣登堂拜老
母老母臥未起急趨至寢門聞聲母先喜見兒萬慮盡
骨肉歡無已山妻抱女來牙牙投懷裏大兒立母傍長
大已如此嘈嘈相問訊瑣瑣話不止兩載違慈顏光陰
如彈指但增離別感未能博甘旨默默看春暉慙愧爲
人子

述母訓

老母呼兒前謂兒聽分明兒倖竊科第原欲希微名時
命既有待何必求經經我性耐辛苦菽水頗不憎婦亦
能禦窮相將門戶撐筆耕尙可爲慎毋憂心縈兒聞跪
致辭母訓敢不遵兒自虧子職母轉體兒情蘆簾燈影
裏機聲復書聲

贈內

藁砧望斷忽歸來愁絕眉峯爲一開卻問客中何所有
笑持詩卷付妝臺

秋晚獨步村落閒

爽氣入高秋萬象齊豁露青山淡遠天夕陽下孤鷺西

風吹幽人蕭然獨閒步素心不可期好景隨所遇行行
忘遠近蒼蒼日已暮路轉逢歸樵歌聲出紅樹

詠塵

紛紛如夢復如煙終古鴻濛未闢天但到名場同擾攘
得離此界卽神仙光陰容易催過隙世路何當緊著鞭
往境閒來一回首東華門外最堪憐

違命侯印歌

好箇翰林真學士可惜無才作天子降王之長號違命
肘印摩挲有餘恥此印傳自興國年鑄之以鐵精且堅
淚痕斑駁繡成采重瞳對此心自憐五季紛爭二百載

半壁東南擅文采澄心堂紙金錯刀押角紅泥印猶在
一朝江上忽橫戈愁對宮嬪斷臉波百尺高樓難久住
命燈竿斷愁如何流離百口依他姓北面甘心奉朝請
咄咄香孩氣太驕不封歸命封違命吁嗟乎亡國由來
運不同西湖花柳獨春風君不見婆留鐵券歸天水獨
豎豐碑號表忠

讀吳梅村集

兵火滄桑萬事休孤臣分合老荒邱孔融薦牘徒青眼
庾信思家易白頭風景河山身世感黍禾城闕故宮愁
淒涼舊友多奇節腸斷山陽笛裏秋

客有笑余不善飲而詩中好言酒者作詩解之

飲酒如讀書所貴得其趣領略在無言杯勺可弗具我
嘗見酒人酣飲日無度長夜醉不醒酒味可能悟我雖
不善飲對酒輒傾慕良朋偶然來一杯足把晤清風吹
階蘭明月出庭樹異書一二卷觸我新詩句此際陶先
生恍若與之遇心清味斯永境淡理彌裕有如無絃琴
幽懷於此寓何必學信陵酣歌竟朝暮

焚香

鼻觀氤氳妙悟傳博鑪煙裊夕陽天年來心地清如水
不爲聞香破老禪

疑冢

分香賣履儘紛紛銅雀荒涼已暮雲記得定軍山下去
一坏終古武侯墳

題余曼翁板橋雜記二首

燈火秦淮夜月簫春風南曲最魂銷青衫紅袖今何處
一片斜陽舊板橋
鐵騎臨江半壁秋淒涼金粉付東流樂天老去風情在
一曲琵琶唱白頭

羽扇

桃笙冰簟儘勾留一握涼生滿室秋但得與君同入座
不須名士也風流

漫教題字學塗鴉翦翦霜翎淨點瑕最好晚涼鷗國裏
有人攜看白蓮花

齋中供秋蘭一枝詩以賞之

偶然香與風俱至風靜香微秋滿軒伴我幽窗成獨賞
對人終日總無言愁心遠落湘江夢瘦影難描楚客魂
寂寂簾櫳閒坐處露光涼月又黃昏

寂寂蕭蕭問坐處
飄飄光景日又黃昏

樵人採日歸無言
愁心欲寄誰與傳
莫道長安無處客
庭

卧然香與風共至
風轉香燃烟神并
野幽窗如鏡賞

齋中拈烟蘭一鉢
藉以賞之

盲人辨昏白蠶吐

莫嫌眼字學筆跡
真真隸隸險筆黑
雖是致知京國裏
不與台士少風氣

張文節公遺集卷二

錢塘張洵著

客有自城來者言
今秋江濤最巨高
齋夜臥聲撼

同枕簟余舊館城
西屢登吳山觀濤
靜夜聞聲隱

一枕公隱而已比
歲踰伏北墅去江
二十里欲續舊游

不可得并其聲亦
無聞焉乃緣客言
而摹以詩

萬籟不起秋蕭寥
書燈寂寂愁清宵
高齋獨臥未成寐

枕邊徐響來迢迢
初疑殷雷伏山坳
又疑長風捲層霄

忽然昆陽怒搏戰
猛士并力虎豹嘯
倒翻地軸勢岌岌

直撼天柱聲搖搖
屋瓦震蕩久乃寂
起視但見秋天高



張子倉之遺集卷二
一
往年寓居城西郊每當靜夜聞秋濤其聲隱隱僅可辨
側耳每訝寒蟲號陰疑於陽聲忽壯海門日夕奔靈鼇
胥種勃怒誰敢遏鐵幢堅鎮塘根牢商飆激響入城郭
敷天水氣來滔滔惜哉北墅久屏迹秋心阻隔江天遙
徒聞客語爲神往叩音寂寞殊無聊安得修綆挽江水
一洗俗耳聞簫韶

同人閒步斷橋小憩柳陰下

秋風嫋嫋吹幽襟柳隄十里浮秋陰一筇扶向斷橋去
到耳時有哀蟬吟翠煙杳靄淺復深夕陽明滅低欲沈
攀條未忍便歸去放眼且把新詩尋南山在南北山北

樓臺金碧迷煙岑泠泠何處寺鐘響隱隱隔浦漁歌音
雙塔相對靜無語片月已挂山邊林歌呼聯袂覓歸徑
晚來倍覺涼颼侵回頭更向斷橋望湖煙冥漠棲歸禽
晚至白蕩村抵上泥橋而返

信步得幽趣涼風吹我衣水光浮塔影人語靜柴扉紅
葉晚如畫白雲寒不飛悠然隔城市日夕憺忘歸

孫祥伯孫子授子搢兄弟招同魏芸士莊聽笙何

子澄游西溪綠秦亭法華抵交蘆菴放舟蘆花

深處分韻得花字

秋曉理吟榜水窟娛清華新霜正戒寒獵獵西風斜沿

源蕩雙槩勝賞窮幽遐寒林隱村徑曲塢藏人家青山
削面起去路陰崖遮危徇傍山轉渺爾煙波賒晴雪皓
十里望望秋一涯冷雁霎驚起權入叢蘆花

交蘆菴茶話

寺僧出觀董文敏公書菱蘆菴墨蹟及阮雲臺太傅西溪游記記中引楞

嚴經辨菱蘆爲交蘆

僧廬結溪屑地僻游屐少榻來契幽尋疏磬出林杪野
衲笑相延一榻茶煙繞清談洽情欸古墨啟緗縹華亭
留妙蹟片玉足爲寶更讀阮公記辨晰尤了了欣賞亦
已畢憑闌復冥討小閣俯寒流疏花冷秋蓼隔水見羣
峰爽氣豁清昊坐久澹忘言山空不聞鳥卽此得清淨

塵鞅脫如埽

過秋雪菴

菴被水圯

言辭交蘆菴汎汎尋秋雪僧房半已圯荒野梗游轍緬
懷樊榭老曾此寄禪悅長短發幽吟響激秋雲裂斯人
不可作名藍亦銷歇溪流蕩迴風淒韻松篁咽渡口久
延佇余懷鬱如結獨有谿邊山萬古青巖巖

歸舟卽景次祥伯韻

楓柏丹黃樹樹秋劃波柔舫響汀洲夕陽鋪水渺無際
涼葉戰風飛滿舟遠岸漁村催晚唱極天山色豁吟眸
蕭閒頗憶江居士冷聽溪聲獨倚樓

明江元祉隱西溪除夕山居詩云靜

隱空山無箇事祇
憐溪水一年忙

元日同施箏秋游虎邱二首

春風吹暖上樓臺爆竹喧喧兩岸催
記取今年元日好
虎邱山下看花來

憑他紅紫占韶光烘透唐花別有香
酒閣燈簾春似海
泥人情處是山塘

京口晚眺

鐵甕城高倚夕曛南徐鐘鼓遠相聞
沙邊歸雁落如雨
天際片帆來似雲燈火樓臺延客眺
江湖踪跡感離羣
今宵拚醉篷窗酒臥看揚州月二分

自京口渡江同箏秋聯句

萬里長風一葉舟藻高歌擊楫渡中流
夕陽紅認南朝

寺洵山色青橫北固樓春暖魚龍思變化藻
江空天地

共沈浮飄飄我欲凌雲去洵直向金焦頂上游藻

舟次揚州寄懷子授二首

昨宵江上倚孤篷雁路雲開月照空
欲向青天覓奇句
此時惜未與君同

年來樂事數家園客裏思量黯斷魂
記取君詩留後約

名山一席共琴樽子授贈余詩有
名山留後約揮塵侍
琴樽句

黃河隄上作

張文節公遺集卷二
四
落日大隄上蒼茫萬古情長河橫遠岸荒堡臥羸兵塵
漲天如夢冰開地有聲滔滔流未返行役感平生

汶上遇風

北風捲地黯斜暉沙石驚人撲面飛憶否孤山亭下路
梅花如雪點春衣

東阿道中山行數十里

亂山莽無次一徑穿其中崖束天容小地陷山腹空怒
石忽墳起撼車聲隆隆峰色斷蒼翠塵影吹冥濛客心
悵遠道望望迷西東向晚宿茅店嶺背斜陽紅

客懷

記從北墅上征航風雪殘年冷故鄉行到燕臺春又老
青青柳色笑人忙

黃禱園丈招同鍾笑溪丈施箏秋魏荔生陸雲彥

集花之寺賞海棠

蹇驢清曉踏芳塵韋杜城南三月春古寺韶華猶未歇
異鄉氣誼倍相親酒逢知己休辭醉花儘無香亦可人
鞭影匆匆歸去晚一鉤月已挂重闌

游仙六首

朝來留客飯胡麻棋子空山日未斜一片白雲吹不散
洞門閒煞碧桃花

世界茫茫隔大千紅塵俯視總無邊
閒來偶向三山過
滄海而今又種田
嶺上花開歲歲香
洞天日月已全忘
人間甲子今何歲
笑遣青童問玉皇
一笑同騎赤鯉游
羣仙高會憶瀛洲
漫言塵海多遷變
張果於今也白頭
雲屏想像佩珊珊
紫府清嚴闕廣寒
玉兔無聲丹桂滿
有人閒倚碧闌干
宴罷瑤池酒半醺
玉扉人靜掩鑪芬
侍兒笑把香囊解
偷向山頭去捉雲

盆蘭盛開賞之以詩

坐久不聞香相對
各無語好風偶然來
清芬澹如許
位置幽徑欣賞約
吟侶涼月夜團團
零露葉漙漙
瑤琴一再彈
空階爲延佇

感懷四首

催人日月總如流
昨夜西風昨夜秋
塵世黃梁猶幻夢
苦吟紅葉又新愁
艱難家計愁韓愈
遠大功名問馬周
不信秦庭書十上
故園歸去尙貂裘
爲望三山遵海東
蓬萊縹緲阻長風
求仙漢武心原切
辟穀留侯願已空
賸有神丹餘九轉
從無廣樂奏三終

星河天上分明在輪與雲槎有路通

顛到名場不自持天涯奔走竟安之白頭未慰慈親望
青眼曾邀故友知每爲感恩思自立若論圖報定何時
間來攬鏡空搔首雙鬢而今變幾絲
閱盡艱難念已平無端見獵又紛爭下車馮婦原堪笑
作賦相如苦累名鷁到退飛仍倦伏羊亡歧路敢橫行
何時陽羨田堪買投老青山了此生

前詩既成復占四律意似相反指則同歸知我者
當不笑其言之矛盾也

笑脫征衣便解鞍到家都喜客平安但欣骨肉團圓好
頓忘功名進取難爲買濁醪同覓醉競炊粗糲勸加餐
陶然徑入南柯去驢背何人走夜闌
堂上晨昏視膳過白頭撰杖共婆婆歸來便覺慈顏喜
慰藉偏聞好語多祿養未逢毛義檄綵衣自唱老萊歌
最憐三十年逾四尙當孩提爲撫摩
椎髻朝來汲井華相依健婦足持家兒喧據案爭拈筆
女笑牽衣乞買花亂疊書城籤倒置補黏詩壁墨敲斜
掩關鎮日閒無事便擬從人學種瓜
知交落落感平生倒屣相逢一笑迎最喜清談常永日
偶吟好句有同聲交深貧賤多真意境到艱難見至情

引之卷二
七
卻憶長安曾結客軒車空自氣縱橫

河梁送別圖

玉關歸去悵離羣攜手河梁黯夕曛寄語漢家諸父老
可能還憶故將軍

文姬歸漢圖

穹廬歸夢阻刀環特把黃金爲贖還多少和親漢公主
幾人生入玉門關

華清賜浴圖一首

驪宮長日掩樓臺一朵芙蓉照水開鸚鵡傳呼簾乍捲
侍兒笑捧荔枝來

翠翹不整醉顏酡香濕梨花着雨過別有珍珠愁寂寞
終朝洗面淚痕多

讀樊榭山房詩集二首

浙水溯風騷一代推大雅孤絃戛清響邈矣知音寡伊
余耽苦吟於此獨心寫涼燈坐秋宵遺編手自把商飈
動地來落葉積寒野俯仰閱歲時孰步後塵者
達士歷名場激懷澹榮利閒來覓詩句清格涵古意青
山健游屐邱壑神與契詩心鬪造化獨往成孤詣肺腑
出高寒意象造幽異嶺南詩中豪氣懾三舍避稽首交
蘆菴於焉得位置

雨後過滿覺隴桂花零落香氣滿山

一徑踏秋去空山何處香斷雲遙岫隔疏雨昨宵涼花
氣入禪悟鐘聲流夕陽晚晴容小憩茶話坐僧房

江漲橋步月

北郭月初上江橋策杖還天空秋影澹風定市聲閒隱
隱漁家火遙遙湖上山沿緣獨歸去門巷未曾關

珠潭歌

潭在武林之北郭距會城五里地名珠兒潭上
接賣漁橋下達北關有泉溢出纍如貫珠瀦而
爲潭廣不盈丈而激徹可鑿旱未嘗竭余家去

潭數百步時得釣游其間洵可樂也爰爲歌以

紀之

武林山水天下奇神淵涵孕萬象滋泉流百道湧地出
噴珠濺沫西山陞虎跑龍井誇絕勝冷泉玉泉名交馳
白衣山人來典郡更鑿六井通湖湄斥鹵萬頃得甘谷
開闢巖竇應無遺那料別有靈泉一脉在北郭韜精蘊
采人未知璿源闕遏幾千載一朝湧現鋪琉璃大珠何
纍纍小珠何離離珠跳若雨點珠散隨風漪青蛉赤蜻
想變化木難火齊俄紛披人言斯潭下定通瀛海不然
胡乃明珠錯落如探驪我家於此閱三世兒時釣弋情

在茲魚橋南望最密邇關津北達殊逶迤比年廬井益
蕃庶甘泉一勺欣分炊北來米舶似雲集市塵雜沓昏
朝曠獨有斯潭朗如鑒照徹萬類呈妍媸注之不盈挹
不竭悠然濠濮神爲移江湖散髮客歸去林泉嘯傲良
足怡湖上泉多隱山腹斯潭特出臨康遠始知坤輿鍾
靈不在大卽此方塘數尺非人爲我來臨流策藜杖百
年桑梓常追隨狂歌一曲醉題石愧無九天咳唾隨風
吹

聞坐客談某帥事

漢家名將霍票姚玉靶琯弓蜀錦袍幕府文章驚蛟蝶
戟門歌舞鄭櫻桃怒蛙氣早軍前阻鳴鳳聲猶日下高
回首兩年成敗事夕陽無語黯旌旄

拜史閣部墓

君宴臣荒日兵離將叛時勢將崩大厦力欲障偏陲忠
孝原根性文章昔受知斯人關社稷特賞荷宗師果際
迺遭會常懷匡濟思文山屏聲伎諸葛任驅馳賊屢黃
巾破人同赤膽披銳平河朔盜忽覲鼎湖悲天柱全摧
折坤維孰護持孤臣惟泣血半壁又開基指鹿來羣小
從龍負夙期將軍多跋扈天子自荒嬉力請提兵出潛
憂寶鼎移局還輸弱宋轍已踵亡隋猶上維揚表將塞

宛洛旗調停諸鎮悍撫慰六軍饑一夕飛書急孤城哀
角吹殘兵潰淮泗突騎下徐邳慷慨登陴誓淒涼絕命
詞遺書辭老母後事續孤兒竟斷巖顏頸難尋卞壺屍
忠魂附袍笏孤冢泣鼯狸不葬鍾山側猶存邗上祠褒
忠逢 聖代修祀舉隆儀大筆睢陽傳餘哀峴首碑艱
難真盡瘁生死莫傳疑恨血荒原在英姿畫像遺梅花
香到骨都是向南枝

游瀛園

客路觀名園信步得佳趣長廊曲折通引我入深處其
中構崇軒繞屋環嘉樹青山當卷簾綠水通前渡對岸
峙飛閣花竹紛無數小亭隱於旁一角紅闌露扶藜徑
過橋拍水驚飛鷺地曠覺心閒樓高忘日暮清游契客
心濠濮寄遐慕何當約吟朋來此更小住

宿遷道中苦寒

纔過桃源又宿遷北風吹上大河邊鴉盤秃樹棲難定
馬踏堅冰噤不前怪石有聲飛曠野遠山如夢積寒煙
大裘空負當年願十丈征塵正撲天

入山左境

南轅北轍未曾停齊魯年來幾度經行過邳州三十里
馬頭又見嶧山青

榜下述懷

猶是凌雲賦今朝達漢皇此生原有命知己最難忘宮闕瞻天近家書慰母望即今圖報國未可恃文章

贈同年章采南修撰

特達皆君廷試朝考皆列後卷天簡進呈上親擢第一如君遇最榮文章真學士清苦自書生立品期無媿匡時念獨誠近光

依 日月何以答昇平

答吳敫公孝廉見贈瓜來瓜更小卦

南州吳季子挾策走燕臺長揖公卿貴狂歌天地哀風塵罕知己書劍老奇才投我新詩句相逢且舉杯

送朱芙生明府之山東夏津任四首

驅馬向齊右班生快此行青山橫岱色白浪走河聲琴劍賓朋少桑麻父老迎一篇循吏傳矢志在平生

憶昔誰知己論交十載前饑寒愁范叔遠到望張騫日月催行路功名誤少年客冬殘臘候先後走幽燕

共為艱難迫途窮願忽伸君飛仙令鳥我探上林春猶荷分金誼因憐索米頻拊心殊自愧朱邑劇清貧

恰有千秋鑑臨歧取贈君百年時已變四海事方殷欲弭斯民患端資吏治勤異時來報最持此答 皇仁

接家書

江南阻寇氛家書久不至昨夜燈花燦千里來驛使接
函急開讀惻惻傷我意家園近如何十室半拋棄驚濤
下九江風順樓船利連營列戍逃返旆將軍避峩峩石
頭城慘慘金陵地廣陵豎降幡潤州滿突騎訛言浙中
來倉卒無戒備義勇募少年慷慨仰大吏果能壹心力
賊首定可致無奈久承平萬事同兒戲餉絀未肯捐甲
朽不堪試都作盡室行孰切同舟誼我家鮮親朋兒弱
不曉事母老更何依妻急但垂淚書中望我歸我歸殊
不易匪龍可乘雲匪鳥可插翅往事悔去年歸裝滯征
轡豈虞時局變總爲微名累撫膺一浩歎更殘未成寐

褚爽齋孝廉來都有贈

又逐輪蹄入帝城天涯烽火尙心驚漫言進退皆
無據總爲饑寒累此生世事已知同覆轍文章豈復戀
浮名長安市上相逢處一斗春醪且共傾

送爽齋南還二首

異鄉送別已傷神况復艱危遠道身客邸思親惟涕淚
關山歸路正風塵冥飛猶恐知幾晚勇退端由見事真
手進臨歧一樽酒天涯我亦欲歸人
十年管鮑託心知道誼文章友是師身世於今同患難
家園此日恐流離君歸不作重來想我醉何堪醒後思

此去間關六千里寄書先報到家時

時揚州道梗君由豫楚南還

醉來

醉來燕市發悲歌易水蕭蕭冷不波游子青衫閒淚少
故人白骨戰場多荒臺日暮思神駿絕塞秋高散橐駝
殘劍摩挲君莫笑十年前事已蹉跎

讀史有感

貨殖曾聞紀子長漢廷卜式荷恩光閒情有客思騎鶴
諧語何人笑爛羊但是神仙皆富貴本來菽粟即文章
憑君三復錢神論爭不名場換利場

自齊河而南山行六日崎嶇殊甚

坡陀側上數丈高石骨磊磊凸復凹馬蹏踏石石不受
欲上不上車搖搖揚鞭一呼馬怒起驅車直入萬山裏
有時仄徑如螺旋飛空一線縈秋烟有時怪石若虎踞
怒伺行人伏當路忽橫高壁疑壞牆土花斑駁青間黃
突遇荒邱若亂冢白日澹淡征人恐我自燕京跨馬來
平原千里鋪黃埃行過齊河山亂起馬頭萬朵青蓮開
連城列嶂望不盡日日驅車走高嶺崩崖一落泣猿猱
前途已近江南境江南此日方用兵崎嶇戎馬烽煙生
褒斜劍閣起當面回頭翻欲山中行

感事八首

百粵山川莽萬重狐鳴篝火久藏蹤
徒薪詎至憂焦額遺患由來誤養癰
郭令天亡無上將孝侯師出挫英鋒
後來授鉞成何用桂嶺蒼涼自夕烽

已見機槍指岳州郡官宴客尙高樓
忽驚旂鼓天邊落不信風帆檻外收
亡命且從張儉遁守陣誰共杲卿留
洞庭自昔稱天險日斷湘江日夜流

鄂渚秋寒捲陣雲武昌城外哭聲聞
奇兵背水猶堪戰烈炬燎原竟自焚
陣上鞞刀誰慷慨地中鼓角正紛紜
臨風不盡山陽淚翹首天南又夕曛

建業魏冢萬雉環天開形勢壯鍾山
自聞單舸奔逃後遂破堅城旦夕間
殷浩虛名動江左哥舒一戰棄潼關
覆巢至竟身安在爭似沙場裹革還

袒肉牽羊競乞憐豈知禍福總由天
金繒枉議求和款玉石難分慘劫年
裏噴脅從張角教破家搽掘鄧通錢
傷心一片隋隄柳和雨和風總化煙

蔓延從此翦除難極目中原付浩歎
纔報黃腰馳邾郟又聞青犢入邯鄲
雲屯上谷旌旗滿火照甘泉日月寒
畿輔由來清肅地休令匹馬近長安

宵旰殷憂仰紫宸樞垣密勿贊絲綸
大農屢告輸將匱比戶誰憐杼柚貧
唐代山河原廣大漢廷法律總寬仁

君看覆轍紛相踵東市朝衣有幾人
省臺袞袞列羣公退食依然盛世風懷古漫勞思李牧
救時端合用姚崇人才銷盡昇平後世變都生苟且中
欲轉乾坤憑隻手莫教閉戶但書空

讀五代史五首

白馬蕭蕭冷驛亭唐家宮殿血流腥生兒作賊還稱帝
愁殺當年朱五經
晉國河山定霸圖監軍心事負區區報韓復越同千古
不信斯人是老奴

錦繡湖山春復秋開門節度最風流一言短盡英雄氣

不作桓文作仲謀

亭子紅羅散作煙提鞦人去共朝天他年五國城中淚
事比君家更可憐

降表修來便得官五朝閱歷舊衣冠當時只有三高士
太華山頭冷眼看

錢塘懷古二首

江山半壁夕陽紅泥馬南來事已空莫笑趙家真潦倒
中興十將自英雄

鐵弩三千捍海濱中原當日正風塵表忠觀裏豐碑在
幾度摩挲想異人

歲暮遣懷

急箭光陰逼歲除大江消息近何如四方多難頻憂國
百事難爲且讀書種柳未成元亮宅入山曾挽鮑宣車
陽和欲轉梅花放悵望春風到草廬

聞山左警有懷朱芙蓉明府

側身天地滿干戈齊魯烽烟近若何危磴百盤凌泰岱
驚濤千里接黃河春來魚雁音書杳夢裏親朋涕淚多
獨上高樓愁望遠亂峯殘日自峩峩

書陸放翁南園記後二首

晚節寒香不可尋太師未肯老山林營成郿塢身安在

孤負中郎謫諫心

歸去山陰謝俗喧嬾將文字頌平原詩人遺憾俱難補
惆悵南園又沈園

寄懷子授六十韻

道義師兼友情懷弟與兄一官今落拓四海昔承平記
得摳衣至欣然倒屣迎識途慙老馬跋浪見長鯨文骨
峻嶒起詩腸磊落撐耽吟同入社得句每成城人盡推
雄伯吾尤畏後生歡投僑札契狎主晉秦盟此樂忘貧
賤其時未戰爭看花雙屐雨載酒一溪晴謂戊申湖上
探桂遇雨已
西遊西溪
秋雪菴事詩墨淋漓醉湖山跌宕行相期常嘯傲直欲

老躬耕天意蒼蒼變兵氛忽忽萌鼠狐紛竊發豺虎漸
縱橫日見邊疆壞風聞上相征瘴雲昏嶺月濁浪駭江
聲猶謂干戈遠無虞里閭驚馬頭辭故國雞肋博微名
聚散中年屢艱難薄宦成我方趨禁籟君正試春明
忽報軍書至無端客淚并天狼臨福地風鶴動神京
歸計先鞭著全家慘禍櫻妻孥三命併孝義九重旌
痛極壺俱碎悲來劍欲鳴浙中方殺賊江左又逃兵烽
火荒村夢天涯舊雨情相思渺鴻雁傳說到蓬瀛渤海
狂瀾沸君因海警遽歸昆岡劫火轟倉黃催就道浩蕩數歸程
契闊頻思我閒關幸見卿門牆稱後輩館閣壓羣英避

地姚江去開樽越酒傾傷心話疇曩蒿目望柴荆衢巷
旌旗卓橋梁壁壘營故鄉近狀如此騷壇堆瓦礫藝苑竄鼯鼯
慘澹西冷月流離北郭氓烈魂哀楚水餘燼弔秦阬未
已南邦亂空期北海清去秋天津之變六州剛聚鐵全局詎收
枰涕灑宮花落心依塞草榮內廷無直舍秘殿
失雕甍等是簪毫侶翻憂振手羹兩途艱進退一著定
輸贏世事浮雲幻朋交介石貞扶將如手足唱和比筭
笙最羨親尤健承歡鼎可烹大蘇真倜儻小謝亦崢嶸
好友吾無幾新居汝再更仙源疑夢到錦里待詩賡小
住離踪合言旋別緒縈江干迴棹亟甬上束裝輕老去

文章賤時來道路亨塵寰何擾擾帶水自盈盈迢遞遲
芳訊清寥對短檠憂難消杜甫愁欲寫張衡昨夜書披
素今朝酒醒醒石金真不朽肝膽宛俱呈涉險思爲楫
扶顛合請纓長歌問孫楚天柱可能擎

尋水樂洞

空山無絲竹天籟何處尋清響激巉石奏此太古音覓
洞犯秋曉幽哢惟山禽捫蘿儘孤往石竇深復深泉乳
噴巖腹聲發不可啗谷虛若相應風戛時成吟多事笑
秋壑爬剔勞苦心達者會其理請看無絃琴

遊理安寺

羣山抱一寺深窈絕塵迹秋桂初著花引入遊山屐妙
香散諸天涼飈響林樾迤邐度前嶺谷邃徑逾窄一亭
當寺門四顧但松柏日色冷不光萬樹并一碧小憩籟
俱靜前行境尤寂緬懷伏虎師於此昔棲宅法雨清泉
飛松巔高閣闢試登古刹頂已據羣峯脊山深秋氣肅
地蒼雲陰積憑闌一以眺蒼然澹心魄潺潺谿自流黯
黯日將夕扶藜獨下山又作塵中客

謁王文成公祠

殿前一疏貶龍場歸去聲名震八荒不許雄藩學成祖
善馴奸宦似汾陽風波幾閱艱難境功業能增道學光

異說紛紜空復爾千秋廡下自馨香

絕命詞三首

血戰孤城力已窮席前借箸竟無功白雲堆裏吾將去

前輩風流有戴公

酈士侍郎於先一年殉難

往事追思淚泫然妻帑三命赴清淵而今收拾全家去

地下重教骨肉圓

篋內猶存御賜衣澄懷風景已全非微臣雖死心猶

在化作杜鵑向北飛

壬申之舊鄭盦侍郎以錢塘張文節太史遺集屬為審定而付之梓迺盡兩日之力勘得詩一百七十首勒為

二卷太史忠孝大節炳著

國史

易名

賜祠哀榮

葡極固不藉詩以傳然即其所著深秀清夷遠絕塵表言必衷款藻不外飾謀篇審勢動合規矩近體諸作尤冲秀諧婉具體王孟躡迹錢郎而白雲之思春暉之悉蓋無時不三致意焉夫安仁奉輿仍陷白頭之辟始安絕裾遺恨朱衣之妖出處鸛言古今所惜太史以承明之英備師儒之選龍樓侍讀朱邱傳經先帝歎其盡言諸王視為嚴傅回翔臺閣需次大用而齧指撫心

聞警請急閒道冒烽星奔歸侍卒之青犢之燄不避孝
子黃巾之毒乃嘜大儒白華者蘭香烈於一炬卷施有
艸心拔而千秋朝野齋嘖人倫悼痛或疑太史之吐屬
清華棲託和粹宜官貴壽以輔承平豈語言之莫徵抑
報施之或爽而不知焦原死孝榮於鼎鐘闔族歸仁教
被蝨卉天之所右固不以彼而易此也侍郎齊年結契
禁近同官拜 賜傳 宣聯珂接佩獨奉延英之
對愴懷竹林之游而元冠告期難憑薄樾碧血湛族莫
問遺孤於以搜香殘篇殺之青簡流連風義仿悲平生
鑿坡 賜園等爲塵劫龍鳳殘燭比其淚痕蓋不僅歎

彥先之琴哀山陽之笛矣會稽李慈銘跋

國營請急開進官燈星奔歸侍本之言信之錄不進者
 子黃山之毒乃噴大信自垂者蘭香烈於一炬卷疏有
 與心拔而于利草野齊咳人倫世痛或疑太史之吐風
 清華樓託和粹宜高貴壽以輔承平豈語言之真微抑
 報施之或爽而不知焦原死孝榮於鼎鐘闔族歸仁祭
 祿與升天之所存固不以彼而易此也侍郎齊年結契
 禁近同官拜 賜傳 宜聯珂接佩獨奉延英之
 對愴懷竹林之游而元冠告期難憑薄楮碧血港族莫
 同遺孤於以接香殘篇救之青何流連風義仿憑平生
 遂於之琴哀山則之笛矣會蘇李茲驗魁 痕益不儘款



